

3 lucky winners will WIN A RETURN TRIP TO WATCH MANCHESTER UNITED IN SYDNEY

PRIZE INCLUDES

- » 1 Game Pass
- » Travel Allowance
- » A return ticket
- » Accommodation for 2 nights

Visit your nearest Telkom Shop now!

347 Customer Care Call 345 6789 or www.telkompng.com.pg





Kudjip Kristen Kirap

REDI LONG LAINIM: Dispela tripela sumatin bilong Kudjip Kristen Integrate Skul i bin amamas tru taim ol kisim nupela klasrum na ol nupela des bilong lainim skul. Dispela skul bin paia long yia go pinis na ol dispela tripela liklik sumatin wantaim ol wan skul bilong ol bin lainim skul long ol liklik haus ol papamame bin mekim, nau ol bai lainim gut ol samting bilong skul long wanem ol gat nupela klasrum na des we ol komuniti bilong Kunjip na papamama yet mekim long mani mak bilong K62,000 i kam long PNGSDP. *Poto Nicky Bernard.*

**FRI TOKTOK
BLO OLGETA
MANMERI**

Toktok wantaim ol wantok
lo 2 minutes na kisim
narapla 13 minutes fri

Sizzling deals wantaim
Digicel tasol.



Digicel

Pay the first 2 minutes of your second call and get your next 13 minutes free on the same call. From then 2 minutes applies. Excludes local mobile networks and available to prepaid customers only. Terms and Conditions apply. For more details see

Insait: PM i kamap sif bilong
Aitape - Lumi, Yangoru
- Saussia - p2

**Bogenvil bai gat
Komputa Senta
- p3**

**Makim nupela Pop bai
kamap namel long Mas
15-20 - p7**

GLOBE More Easy, More Tasty, More Energy

**CORNERED BEEF
WITH CEREAL**



GLOBEthe perfect choice

PNG MADE

INTERNATIONALLY
the perfect choice
ACCLAIMED

Olgeta skul mas givim fainensal ripot hariap

ASKIM i go long olgeta skul prinsipel na ol het-masta long olgeta skul long kantri long hariap salim ol fainensal ripot bilong ol hariap i go long Edukesen Dipatmen hetkota.

Ekting Edukesen Sekreteri, Luke Taita i wokim dispela askim long dispela wik.

Olgeta skul i sapos long yusim Kombain Kes Buk na Fainensal Ripoting templet lon g rekodim olgeta rot ol i yusim ol 2012 Tusen Fi Fri Sabsidi mani na givim ripot i go long Edukesen Dipatmen hetkota long mun Disemba las yia.

Mista Taita i singaut long olgeta Provinsal edukesen edvaisa na ol Stendet Opisa long ol provins husat i sapos long monitaim ol menesmen long olgeta skul fan long sekim ol skul na lukim olsem ol i pinisim na salim ol fainensal ripot i go pinis.

Sekula Namba 2/2012 bilong Sekreteri long Edministresen bilong Namba Wan Hap bilong Tusen Fri Sabsidi Polisi 2012 i tok ol skul edministresen i mas gat ol stretpela rekot long kolektim olgeta mani long ol peimen, wokim ol ripot na salim i go long ol skul bit, ol papamama na ol gadien na Edukesen Dipatmen olsem Pablik Fainens Menesmen Loa 1995 i laikim long en.

Mista Taita i tok sapos ol bos bilong ol skul i no bihainim ol dispela loa, ol bai kisim mekim save aninit long Tising Sevis Loa 1988, taim ol skul bot husat i no bihainim loa na i no givim ol fainensal ripot em ol mekim ol wok painim long ol.

"Yumi stap long namba tru wik bihain long nupela skul

yia i stat, na planti skul i kisim pinis ol sabsidi mani bilong ol long dispela yia.

"Edvais bilong mi long olgeta bis bilong ol skul em long wokim ol fainol fainensal ripot bilong 2012 na salim i kam. Na yupela i ken lukluk long 2013 ripot bilong yupela," Mista Taita i tok.

Long wankain taim, Mista Taita i askim gen ol skul husat i no givim ol 2013 skul sensus fom long givim ol hariap nsa ol ken kisim mani bilong ol bilong dispela yia.

Em i tok namba wan peimen ol bin wokim long Febueri 4 i gat manimak inap long K236,302,73 na dispela i bilong 7,261 skul.

Ol peim ol mani i go long BSP, Wespac na ANZ Benk long ol wan wan skul i gat akaun bilong ol.

Mista Taita i tok sampela skul bai no nap kisim mani bilong ol bikos ol no givim ol benk akaun namba na ol arapela infomesen olsem, na ol i ken stretim na go bek gen long Edukesen Dipatmen. Jun long yia 1967.

Wanpela gutpela stori long Dokta Tscarke na Gaubin Haus sik em dispela dokta i bin go long Karkar Ailan taim em wanpela yangpela soldia long Wol Woa 2 na em i wok olsem wanpela medikel dokta stat long 1947 i kam inap long 1988 long Gaubin Haus sik. Gaubin na Karkar Ailan i kamap olsem spesel ples bilong dispela man.

Projek Opisa bilong Luteran Helt Sevis wantaim ELC-PNG, Fua Singin i tokaut olsem Gaubin Haus sik i laki tru long kisim helpim i kam aninit long pablik-praivet patnasip wok program, na dispela tasol i

helpim nau long kamapim ol nupela senis long haus sik.

Mista Singin i tok olgeta wok renovesen o senis we bai i kamap long hausik em bai kisim mani mak olsem K1.4 milien.

Memba bilong Sumkar, Ken Fairweather, em ilektoret bilong em i karamapim Karkar Ailan i bin helpim Gaubin Haus sik tu taim em i putim K1.2 milian wok i bin kamap long wanpela malitpepos bilding we i stap nau insait long haus sik eria.

Ol bikman bilong Madang provinsal helt opis na tu ol LLG i bin stap long dispela seremoni long Karkar. Ol dispela lain em Luteran Helt Sevis nesenel seketeri, Ulch Tapia, Madang provinsal helt dairekta, Markus Kachau, Karkar LLG presiden, Bager Wamm na Arabaka LLG presiden, Joe Maira, husat i makim ofis bilong Madang Gavana, Jim Kas.

Mista Kachau i tok olsem senis i mas kamap long Gaubin Haus sik insait long dispela taim we kantri na planti developmen na senis i kamap long kantri na sosaiti.

Em i askim ol hausik menesmen bilong Gaubin na tu Luteran Helt Sevis lain long wok bung wantaim ol politikol lida husat i gat mani long mekim wok aninit long Distrik Sapot Impruvmen Projek (DSIP, we ol i ken helim long ronim kain helt institusen olsem Gaubin Haus sik.

Plantil ol lokal pipel long ol ples arere long Gaubin olsem Kurum, Lilo, Maruk, Kavailo na ol arapela i sori na wari taim ol i lukim ol wokman i rausinim ol olupela kapa na tu ol bilding we em hanmak bilong Dokta Tscarke.

PM i kamap sif bilong Aitape-Lumi, Yangoru-Saussia

PRAIM Minista Peter O'Neill i kamap sif bilong tupela Sepik ilektoret het sif.

Dispela i bihainim wok-about bilong em i go long Is na Wes Sepik long las wiken na pipel i mekim em i kamap wanpela sif bilong ol.

Pastaim (23/02/2013) em i kamap olsem sif bilong Aitape-Lumi ilektoret taim em i raun i go long Aitape Distrik long opim Brere Awol opis kompleks we i bai kamap olsem senta bilong olgeta gavman haus.

"Mi amamas long kamap sif bilong ol manmeri long Aitape -Lumi na mi laik skruim gavman komitmen long sevis i mas kam long dispela provins," Mista O'Neill i tok.

Long neks de, Mista



O'Neill i go olsem long Yangoru na ol bikman bilong ol sif i makim olsem sif bilong Yangoru-Saussia.

Taim em i stap long Yangoru Distrik, em bin givim sek manimak olsem K1.5 milian long Yangoru Edvantis Hai Skul we ol i ken mekim ol wok long apgredim i go olsem wanpela sekon-deri skul.

Long hap tu, em bin i opiseli opim BSP Benk na

SEKAN: Praim Minista Peter O'Neill i sekan wantaim Gren Sif na gavana bilong Is Sepik, Se Michael Somare.

distrik kot haus.

Long dispela taim tu, Mista O'Neill i bin presenim K500, 000 long Yangoru Helt Senta na narapela K500, 000 long helpim sevim kakau sit we i kisim bagarap long binatang nogut.

Ol dispela mani i stap nau long han bilong Yangoru-Saussia MP na Minista bilong Komes, Tred na Indastri, Richard Maru.

PNG kamap trupela memba bilong Global Grin Gro

Papua Niugini nau i kamap trupela memba bilong biknem Globol Grin Gro Institut (GGGI).

Minista bilong Klaimet Senis, Patrick Pruaitch, i tokaut olsem PNG i ken mekim wok olsem trupela memba bilong GGGI nau bikos haus palamen i tok orait long dispela GGGI Agrimen pinis.

Long mun Oktoba, 2012 taim GGGI i bin kamaut na ol i holim namba wan Asembli bilong em long Seoul, Saut Korea, PNG i bin hat long putim han i go antap long kamap memba bikos long dispela taim Haus Palamen i no bin tok orait yet long GGGI Agrimen.

Mista Pruaitch i tokaut long dispela, bihain long Haus Palamen i tok oraitim nupela Intenesenel Triti bilong Grin Gro (International Treaty on Green Growth) wantaim Setifiket bilong Konstitusienel Komplaiens (Certificate of Constitutional Compliance) bilong em long Janueri 29, 2013.

Bihain long Haus Palamen i tok orait long dispela membasip, Minista bilong Foren Afeas na Maigresen, Rim-bink Pato, i sainim ol pepa bilong tok oraitim dispela

membesip, long Janueri 31, 2013.

Mista Pruaitch i tok tenkyu tru long Mista Pato i sainim dispela agrimen hariap tasol bikos nau PNG bai no ken isi isi long askim na kisim helpim long ol saveman na ol gutpela save bilong mekim wok bilong klaimet senis we em i save bagarapim kantri.

"Wantaim kain gutpela rot i kamap insait long dispela globol institut, Papua Niugini i gat gutpela sanis long kisim bikpela helpim long ol wok we GGGI inap long givim," Mista Pruaitch i tok.

"Agrimen bilong Papua Niugini long wok bung wantaim kain bikpela woklain bilong klaimet senis i givim sampela gutpela kain strongpela tingting na belisi long ol wok bilong yumi long stopim planti kain bagarap we kantri i luksave na pilim pinis."

Dispela Institut bilong Saut Korea em i wanpela lida long sapotim niupela develop kantri olsem Papua Niugini long kamap gutpela eksampol long kamapim ol wok plen bilong ol Grin Gro developmen wok.

Grin Gro em i wanpela

tingting i kam long arapela, arapela kantri wantaim ol astingting i karamapim ol wok polisi ol i plenim bilong wanwan kantri yet husat i memba long GGGI. Dispela em bilong daunim ol bikpela taim nogut ol komyniti i save pilim long taim bagarap bilong klaimet senis i kamapim.

GGGI igat namba wan save long kamapim bikpela ol ikonomi wok plen bilong kamapim ol polisi, lainim wok, wok painim aut na long givim mani long ol nesinel program.

Ol GGGI program bai kisim mani helpim aninit long praivet-pablik-patnasip bilong daunim kabon ges, na wok developmen we bai i stap longpela taim.

Papua Niugini em i wanpela bilong 18-pela nambawan lain kantri long sainim mak bilong GGGI i kamap intanesenel ogenaiesen bilong wok developmen we bai i stap longpela taim.

Ol dispela kantri i save lukluk moa long kamapim ekonomik developmen wantaim ol projek na program plen we i no nap bagarapim bus, diwai na mama graun.



AGMARK MACHINERY



JCB

FOR ALL YOUR MACHINERY NEEDS



SIMPLICITY BY DESIGN

- 3CX - 4CX BACKHOE LOADERS
- JS200C SC HYDRAULIC EXCAVATOR
- SMOOTH - PADFOOT DRUM COMPACTORS
- TELEHANDLERS
- ROUGH TERRAIN 4WD FORKLIFTS



machinery@agmark.com.pg

PORT MORESBY 323 5572 | LAE 472 6324 | KOKOPO 982 8748

Jastis kisim bek K1.2 stil mani

Mista Kua i tok moa olsem insait long mun Julai 2010, taim loya bilong dispela polis meri na Opis bilong Pablik Posekuta skelim na stretim toktok, dispela polis meri i bin tokaut na wanbel long karim hevi bilong dispela rong so em bai helpim kot moa aninit long Kisim Win Mani long Pasin Stil Ekt 2005.

Long Janueri 2013, ol loya bilong Benk Saut Pasifik i

peim Opis bilong Pablik Prosekiuta wantaim sek mani inap long K1.286 we ol i givim i go long Dipatmen Bilong Fainens.

Mista Kua tok olsem Pablik Prosekiuta, Mista Ponds Kaluwin i bin givim K1.286 milion sek, long Sekreteri bilong Fainens, Steven Gibson long Vulupindi Haus insait long Janueri 28, 2013, long ai bilong ol sinia menesmen bi-

long Dipatmen bilong Fainens.

Dispela mani i kamap long pasin stil na giaman long kisim ol samting nating.

"Dispela wok bilong kisim bek mani long han bilong stilmanmeri nau i makim pawa bilong niupela Kisim Win Mani long Pasin Stil Ekt, na tok lukaut i go long ol lain i save hait na stil long ol opis bilong ol olsem dispela niupela Ekt, iken painimaut

pasin stil bilong ol. Olsem bai dispela i ken daunim pasin bilong ol opis wokmanmeri i stil insait long wok ples bilong ol." Atoni Jeneral na Minista bilong Jastis itok.

Insait long 5-pela yia ikam bihain, Dipatmen bilong Atoni Jeneral bai wok moa long bihainim ol nupela stail na loa bilong wok daunim pasin bilong ol opis wokmanmeri i stil insait long wok ples bilong ol.

Kerenga Kua, Jastis na Atoni Jeneral Minista...

OPIS bilong Atoni Jenerol na Jastis Minista i kisim bek pinis K1.286 milion long han bilong wanpela giaman bisnis kampani, J&J Konstraksen Ltd, wantaim pawa bilong nupela "Kisim Win Mani long Pasin Stil Ekt 2005" (Proceeds of Crime Act 2005).

Dispela mani em wanpela hap bilong 6.5 milion Kina, Transpot Sekta Pots na Jeti Subsidi we Dipatmen Bilong Fainens i bin peim i go long J & J Konstraksen Ltd, em kampani bilong wanpela polis meri. J & J Konstraksen i bin kisim kontrak long bildim wanpela jeti (sipbris) insait long Sandaun Provins.

Atoni Jenerol i tokaut olsem Dipatmen bilong Fainens i peim J & J Konstraksen Ltd wantaim tupela sek mani, wanpela sek inap long mani mak K5.2 milion ol peim long de 28 Epril, na narapela sek mak bilong 1.3 milion Kina ol i peim long 10 Disemba 2009, tasol ol rekod bilong Invesmen Promosen Atoriti (IPA) i soim rejista bilong kampani, J & J Konstraksen i bin dai pinis long dispela taim ol i kisim moni, na tu ol i painimaut olsem dispela kampani i nogat save na risoses long mekim dispela kain wok bilong bildim sipbris.

Wok painim aut i soim olsem, Transpot Sekta Pots na Jeti Subsidi Fan em ol i bin diposit long wanpela benk akaun we wanpela polis meri i bin opim wantaim BSP Komesal Benk Senta (Paramaun Benk) aninit long akaun nem J & J Wof Akaun.

"Long namba wan taim nau insait long kantri, opis bilong Atoni Jenerol i yusim Sivil Fofitsa oda (Civil forfeiture order) aninit long Kisim Win Mani long Pasin Stil Ekt, wantaim wanbel o tok orait bilong difenden o man or meri husat i sanap long kot na ol arapela lain husat i stap wantaim ol," Mista Kua i tok.

Mista Kua i tok amamas long Opis bilong Pablik Prosekiuta na Fainensol Intelijens Yunit (FIU) bilong Royal PNG Konstebuleri long nambawan wok painim aut na long ol i kisim bek klostu long 1.286 milion Kina wantaim pawa bi-

long Kisim Win Mani long Pasin Stil Ekt 2005. Mista Kua i tok moa olsem long 8 Februari, 2010 Fainensol Intelijens Yunit i bin painim aut olsem ol J & J Konstraksen i no bin bildim wanpela sipbris long dispela ples olsem na Pablik Prosekiuta i bin kisim wanpela ristrening oda long Nesenel Kot bai putim tambu long hap mani i stap yet long J & J Wof Akaun.

Mista Kua i tok moa olsem long 2009, Fainensol Intelijens Yunit i bin pinim aut na tokaut olsem J & J Konstraksen Ltd i no bin apdetim rejistresen pepa bilong em long Invesmen Promosen Atoriti (IPA) namel long mun Oktoba 2004 na Epril 2009 olsem na IPA i bin rausim rejistresen bilong em.

Long dispela taim bilong wok painim aut bilong Fainensol Intelijens Yunit na wok bilong Opis bilong Pablik Prosekiuta, planti sek i bin go aut wantaim mani mak inap long samting olsem K5.32 milion tasol nogat wanpela wok i bin kamap. Ol rekot bilong benk i soim olsem sampela lain, i bin rausim samting olsem K3.287 milion wantaim bikpela kes sek na ol benk sek. Ol i no save husat i bin rausim ol dispela mani.

"Tasol dispela polis meri ol i save em i bin rausim 1 milien 151 tausen, 657 Kina, (K1,151,657.00) na brata bilong em, pastaim politisen, i bin rausim 981 tausen, 130 Kina (K981,130.00) na arapela tupela famili memba bilong em na ol arapela poroman i rausim tu sampela bikpela mani long dispela J & J Wof Akaun," Mista Kua i tok.

Em i tok tu olsem dispela polis meri na ol arapela lain i bin giaman kamapim wanpela Nesenel Kot Oda long rausim pastaim fofitsa oda. Dispela giaman kot oda i gat stem o sil bilong Nesenel Kot na dispela polis meri na ol arapela lain i bin givim long wanpela wokman bilong BSP insait long mun Oktoba 2012 na em i helpim ol long rausim K1.286 milion. Ripot bilong dispela pasin em stap pinis long han bilong ol polis bilong wok painim aut moa.

Purchasing EasiPAY units with BSP Mobile Banking



*Digicel Customers Only

Call us on 320 1212 / 7030 1212
Email servicebsp@bsp.com.pg
Visit www.bsp.com.pg

Find Us On:
f t

BSP

Official Sponsor of the 2015 Pacific Games

TELE Apdeit

Buy your Easi-Pay with your Citifon SMS Service

Rejistaim Citifon na Pawa Mita Namba bilong yu long BSP Brens bilong yu tude na spendim 50t tasol long dispela transeksen!

Step Namba 1

•Mita bilong yu yet

Taipim “Top” na larim spes, na taipim “Easi”, larim narapela spes na taipim hamas yu laikim.

(olse:. Top Easi 10)

•Mita bilong narapela

Taipim “Top”, larim wanpela spes, taipim “Easi”, larim narapela spes, na taipim “Mita Namba”* larim narapela spes na taipim “hamap yu laikim”

(olsem: Top Easi 1861338 10)

*Mita Namba i mas stap pinis long BSP akaun bilong yu pas-taim long yu baim EasiPay-TopUP bilong narapela manmeri.

Step Namba 2

Salim teks mesej i go long 16288 na wetim bekim bilong Mobail Benking.

Mobail Benking Bekim: BSP 955xxx Requesting K10 TopUP bilong “Nem bilong yu” EasiPay Mita #.

Bekim wantaim TopUp Koud E123456 sapos em i stret.

Step Namba 3

Salim bekim long 16288 wantaim TopUp koud long konfem EasiPay TopUp na wetim Benking Bekim.

Mobail Benking Bekim: BSP 123xxx TopUp successful 00001234567. Your K10 Easi-Pay token is xxxxxxxxxxxxxxxxxxxx for 13.6 units.

Long kisim moa tok stia, ringim 24/7 Kastoma Kea long 3456789.



Bogenvil bai gat Kompyuta Senta

Veronica Hatutasi i raitim

OL sumatin, ol yang-pela pipel na ol narapela manmeri long Bogenvil nau bai gat moa sans long lainim na yusim gut kompyuta na intanet. Dispela bai kamap wantaim wanpela bikipela projek namel long tupela Bogenvil

Palamen memba i wok bung wantaim Ripablik bilong Saina (long Taiwan) Tred Misin (RCTTM) long PNG. Long ol toktok we Wantok i kisim, dispela “Apec Dijital Oportuniti Senta” (ADOC) em i wanpela bikipela projek bai sanapim ol nupela bilding long Buka, na tupela Palamen memba i wok patna

wantaim RCTTM long kamapim dispela projek. Aninit long dispela projek, ol sumatin, ol yangpela, ol meri, yut na ol narapela memba bilong pablik bai gat sans long go long kompyuta skul na lainim save long yusim kompyuta na intanet wantaim. Man i makim

RCTTM long PNG, Daniel Hu i tok dispela em wanpela “Tripartate” projek o projek we tripela lain i wok patna long kamapim. Tripela em long Memba bilong Not Bogenvil, Louta Atoi, Rijinel Memba bilong Bogenvil Joe Lera na RCTTM long PNG. Mista Hu i tok Taiwan bai givim ol kompyuta na ol hatwe masin long senta i yusim, wantaim tu ol narapela teknikol risos taim tupela memba bai sanapim ol bilding.

Yunivesiti Senta we i hap bilong Yunivesiti bilong PNG (UPNG), long Buka bai menesim dispela projek.

Mista Hu i tok wok long disainim na sanapim ADOC senta bai stat klostu taim, na tupela memba Mista Atoi na Lera i wok long odaim ol metiriel long bildim ol bilding.

Na long dispela yia yet, olgeta samting bai redi long opim skul na kisim ol sumatin longs neks yia.

Mista Hu i tok ol memba kantri long Esia Pasifik Ikonmik Koporesen (APEC) i kirapim dispela projek long helpim ol narapela kantri long kisim save long yusim ol nupela teknoloji bilong tude na muv fowet long sait bilong divelopmen, wok mani na teknoloji.

Buka long Otonomes Rijen bi-

long Bogenvil (ARB) em i namba foa ples long PNG we dispela ADOC projek i kamap na go he long en.

Narapela tripela em long Yunitek long Lae, Morobe Provins, Yunivesiti bilong PNG long Mosbi na Hagen long Westen Hailans Provins.

Mista Hu i tok olsem memba bilong APEC, Taiwan i helpim 10-pela kantri long wol long sanapim ol APEC senta projek long ol kantri insait long Esia Pasifik rijen olsem India, Fiji, Vietnam, Rasia, Tailen, Chili, ol narapela moa na PNG.

Em i tok long ol narapela kantri, wan wan long ol i opim 100 APEC senta, tasol PNG i gat tripela tasol. Olsem em i mas opim sampela moa senta long kantri.

Em i tok long inapim gol long moa pipel i mas save long yusim kompyuta, intanet na ol nupela masin long kamapim gut laip na sindaun, save na divelopmen, Taiwan gavman i save painim ol kwalifaid patna long menesim projek.

Plantu taim, em i tok ol save painim ol lokol senta husat i save long komyuniti husat i luksave long ol grup husat i no kisim luksave na helpim long sindaun long ol kos.

Atoi putim trenspot na infrastraksa olsem namba wan



SOLA LAIT: Bosman bilong Taiwan Tred Misin lon g PNG, Daniel Hu i prisenim wanpela sola laiting i go long wanpela bikman long Buka. Bogenvil I gat bikipela nit long yusim sola laiting, moa yet long ol rurel ples. Foto: Taiwan Tred Misin

Veronica Hatutasi i raitim

TRENSPOT na infrastraksa em ol bikipela samting i mas stap long ol wok divelopmen i ken kamap na go het na em tupela long ol eria we Not Bogenvil Memba, Louta Atoi bai lukluk strong long ol long kamapim gut long taim em i stap memba.

Mista Atoi i tok long Bogenvil i gat ol planti agrikalsa prodak, kakau na kokonas plantesen long ol rurel ples we ol i mas kisim i go long taun long salim, tasol i mas gat gutpela rot, wof o bris long karim ol prodak i go.

Em i tok ol “feeder” o han rot, ol bris, ol bikipela rot na bris i mas stret pastaim long wok agrikalsa i ron strong na kamapim mani long helpim pipel na kamapim Bogenvil.

“Mi wok long toktok wantaim ol dona ejensi long helpim kisim kauntapat fanding, na wanpela enjiniering kampanin bilong Saina ol i kolim long Covec

Enjiniering i wok long karimaut ol fisibiliti stadi o wok we bai tok olsem projek bai kamap o nogat, hamas mani bai tromoim long sanapim sapos ol samting i orait na ol kan samting olsem.

“Mi wok long lukluk long ol narapela dona tu long wok long ol narapela projek long Wes kos Bogenvil is tap long ilektoret bilong em olsem han rot long Kessa na bris long hap, Karula, Baneo na Soroken.

“Dispela em ol bikipela kakau na kokonas plantesen long wes kos na ol bikipela rot we Bogenvil i bin save kisim mani long en.

“Sapos mi stretim ol rot na bris, ol sip bai go dairek long hap. Mi tingting long kamapim ol liklik satalait taun na pipel i ken stap long ol wan wan eria bilong ol na helpim kamapim divelopmen, na tu, kisim sevis.

“Wantaim ol satalait taun long Not Bogenvil, pipel bai stap long ol

wan wan eria bilong ol na mekim wok is tap long kamapim sevis na kisim mani long en.

“Mi laikim ol pipel i luksave olsem i gat narapela na gutpela rot long mekim bisnis,” Mista Atoi i tok.

Kessa long wes kos em i rot i konek long ol narapela ples long wes kos.

Olsem na Mista Atoi i tok em bai pulim pawa lain long taun i go olsem long Kessa.

“Mi wok long toktok wantaim PNG Pawa tasol mi laikim kauntapat fanding long mekim wok i kamap,” Mista Atoi i tok.

Long ol liklik atol ailan olsem Motlok, Tasman, Fead na Katerets, Mista Atoi i tok em i laikim sola laiting long ol.

Em i tok aninit long rurel ilektrifikesen program, mani i stap long Rurel Divelopmen, tasol em i mas gat kauntapat fanding helpim long kisim dispela mani long kirapim projek.

Pablik sevis menesa toktok long Australia Skolasip awot

HUMAN risos menesa na sinia woklain bilong PNG gavman ejensi i kisim toktok long rot bilong aplai long Australia skolasip awot long Pot Mosbi las wik bai kamap long neks yia.

Dispela kibung em AusAID i go pas long en wantaim Dipatmen bilong Pesenel Menesmen (DPM) na Skolasip PNG.

Long dispela bung, ol i tok tok long infomesen bilong aplikesen proses we bai PNG pablik i ken aplai long en o nogat.

DPM i toktok moa long pasin wanbel namel long tupela PNG Jenerel Oda bilong Ovasis trening na Australia Awot Skolasip aplikesen proses. Opisa long ol mein ejensi olsem Dipatmen bilong Nesenel Planing na Monitoring, bilong Treseri, Komes na Helt tu i stap long dispela bung. “Pablik sevan i mas gat ol trening samting na tok orait long ol Ejensi het o grup bihain long ol i salim i kam long DPM,” Matilda Kowos em tim lida bilong Dona Fanded Trening long DPM.

DPM bai kisim tok orait long ol trening samting bipo long April 8, 2013. Long taim bilong givim ol bid fom i go long DPM, ol pablik sevan i mas aplai long pablik

Australia Skolasip awot. Hat copi (pepa) husat ol lain i aplai i mas go long Skolasip PNG klostu pinis bilong mun, 28 Mas. Na ol lain we i aplai long ilektronik detlain em long 31 Mas 2013.

Em i bikipela samting olsem ol apliken i mas lukluk long websait bilong Skolasip PNG long kisim moa infomesen.

Dispela infomesen sesen i bin wanpela bilong toktok ol i bin mekim long PNG long tokim ol save lain long Australia Skolasip Awot i laikim long en.

Ol meri o manmeri i stap na wok long kainkain provins wantaim ol manmeri we o disebol, ol tu ken aplai.

Long ol lain i aplai long nam-bawan taim bilong ol, ol i ken aplai long Australia Awot Skolasip na imeilim i kam long; www.scholarships.org.pg.

Ol lain i stap long Mosbi i mas yusim dispela Skolasip PNG Infomesen Risos Senta i stap long Port Tower, Hunter Street, Ground floor, na sapos yu laikim moa infomesen, visitim Skolasip PNG websait long www.scholarships.org.pg o websait bilong ol DPM long www.dpm.gov.pg.

Gaubin Haus sik bai lukim bikpela senis

James Kila i raitim

GAUBIN em wanpela olupela haus sik tru long Karkar Ailan we i save sevim planti ol pipel wantaim medikel helpim insait long moa long 45 krismas.

Dispela haus sik long Karkar Ailan nau i lukim bikpela wok developmen bai kamap long senisim ol olupela biding na kapa long haus sik na putim ol nupela kapa long senisim lukluk bilong dispela olupela olupela haus sik.

Dispela ol i tokaut long en long wanpela seremoni i bin kamap long tupela wik i go pinis.

Gaubin Haus sik i save lukautim tu wanpela skul bilong ol lain i laik kamap nes o ruel medikel wok lain.

Ol olupela biding long Gaubin em wanpela foma o olupela ami dokta long taim bilong Wol Woa 2, Dokta Edwin Tscarke i wokim. Planti ol haus sik biding em ol hanmak bilong dispela soldia bilong Australia. Em i wokim ol dispela biding long Gaubin haus sik na i opim long mun Jun long yia 1967.

Wanpela gutpela stori long Dokta Tscarke na Gaubin Haus sik em dispela dokta i bin go long Karkar Ailan taim em wanpela yangpela soldia long Wol Woa 2 na em i wok olsem wanpela medikel dokta stat long 1947 i kam inap long 1988 long Gaubin Haus sik. Gaubin na Karkar Ailan i kamap olsem spesel ples bilong dispela man.

Projek Opisa bilong Luteran Helt Sevis wantaim ELC-PNG, Fua Singin i tokaut olsem Gaubin Haus sik i laki tru long kisim helpim i kam aninit long pablik-praivet patnasip wok pro-

gram, na dispela tasol i helpim nau long kamapim ol nupela senis long haus sik.

Mista Singin i tok olgeta wok renovesen o senis we bai i kamap long hausik em bai kisim mani mak olsem K1.4 milien.


Memba bilong Sumkar, Ken Fairweather, em ilektoret bilong em i karamapim Karkar Ailan i bin helpim Gaubin Haus sik tu taim em i putim K1.2 milien wok i bin kamap long wanpela maltipepos biding we i stap nau insait long haus sik eria.

Ol bikman bilong Madang provinsal helt opis na tu ol LLG i bin stap long dispela seremoni long Karkar. Ol dispela lain em Luteran Helt Sevis nesenel seketeri, Ulch Tapi, Madang provinsal helt dairekta, Markus Kachau, Karkar LLG presiden, Bager Wamm na Arabaka LLG presiden, Joe Maira, husat i makim ofis bilong Madang Gavana, Jim Kas.

Mista Kachau i tok olsem senis i mas kamap long Gaubin haus sik insait long dispela taim we kantri na planti developmen na senis i kamap long kantri na sosaiti.

Em i askim ol hausik menesmen bilong Gaubin na tu Luteran Helt Sevis lain long wok bung wantaim ol politikal lida husat i gat mani long mekim wok aninit long Distrik Sapot Impruvmen Projek (DSIP, we ol i ken helim long ronim kain helt institusen olsem Gaubin haus sik.

Planti ol lokal pipel long ol ples arere long Gaubin olsem Kurum, Lilo, Maruk, Kavailo na ol arapela i sori na wari taim ol i lukim ol wokman i rausinim ol olupela kapa na tu ol biding we em hanmak bilong Dokta Tscarke.



Yumi Stori
long
PNG LNG

with Peter Graham,
Managing Director,
Esso Highlands Limited

Yumi harim Praim Minista i wok long toktok planti taim nau, olsem 2013 em i yia bilong implementesen bilong gavman.

Em i wankain tu long Esso Highlands Limited. Stat-ap bilong PNG LNG Projek long 2014 i kamap klostu nau, tasol i gat planti samting tu i mas kamap bipo long dispela.

Long taim Projek konstraksen i wok long gohet, dispela lain husait bai operatim na lukautim ol fasiliti – em Prodaksen Kampani bilong mipela – i hariap long kirapim ol wok. Kwaliti bilong plening na mekim redi ol program bilong wok na ol ikwipmen, ol rot bilong baim ol material na ikwipmen bilong mentanens program, kirapim ol infomesen sistem na ol narapela wok i bin kamap insait long tripela yia, bai ol i testim klostu nau long taim wok i stat long kisim gas long Kutubu i kam daun long paipain na kamap long LNG Plant autsait tasol long Pot Mosbi long namel bilong 2013. Namba wan taim bilong haidrokabon i kamap long dispela sait em i wanpela bikpela samting tru. Bai mipela i no inap long kamapim LNG yet long dispela taim, tasol bai mipela i statim wok bilong ol narapela sistem long sait bipo long stat-ap prodaksen i kamap.

Namba wan lain 62 Papua Niugini Operesens na Mentanens teknisen bilong mipela i kam bek pinis bihain long ol i go stap wanpela yia long Canada long kisim advens skills trening na nau ol i wok aninit long ol ovasis savelain husat i wok long helpim ol. Namba tu lain nau i go kisim trening sampela wik i go pinis. Bai ol i stap wan yia long wanpela trening koles long Malaysia.

Sikispela Papua Niugini husat i namba wan lain greduet ensinia bilong mipela i kam bek long Australia we ol i bin stap insait long 18 mun greduet program wantaim Esso

Australia. Ol i stap insait nau long Ops Tech tim bilong mipela we wok bilong dispela tim em long wok stret long lukautim ol fasiliti na lukim olsem olgeta samting i ran gut.

Olsem na long taim drilling long ol gas wels long Hides na konstraksen bilong LNG Plant na Hides Gas Kondisening Plant na onso paipain i wok long gohet, ol namba wan liklik wok bilong redi long prodaksen i wok long kamap nau.

Mipela i gat sampela bikpela wok tu “autsait long banis” em mipela i mas pinisim long dispela yia. Bikpela samting tru, em long painim stret ol trupela Projek benefiseris insait long ol Projek laisens eria bipo long komesel LNG i kamap. Dipatmen bilong Petroleum na Eneji i go pas long mekim dispela wok tasol bai mipela i wok klostu wantaim ol na sapotim wok ol i mekim long lukim olsem ol i skelim gut ol benefit na i mas kamap long gutpela na stretpela rot.

Mipela i wok tu wantaim ol Provinsal Gavman (Hela pastaim) long sapotim kepesiti biding long ol wok bilong kamapim ol infrastraksa. Mipela statim wok wantaim Hela Provinsal Gavman tasol bai mipela i wok wantaim ol arapela provinsal edministresen long ol Infrastraksa Developmen Grant projek long kirapim wanem infrastraksa ol i givim praioriti long en. Ol kain projek olsem i givim wok tu long ol woka husat i kisim save pinis long taim ol i mekim ol wok long konstraksen bilong PNG LNG Projek, na tu, bai kamapim ol infrastraksa em ol komyuniti i nidim tru long helpim sindaun bilong ol.

Olsem na taim gavman i lukim 2013 olsem yia bilong implementesen, bai dispela yia i wanpela yia i salensim implementesen bilong PNG LNG Projek tu!

Gutpela de.

Salim tok long mipela long
pnglngproject@exxonmobil.com




BEYOND BOUNDARIES

“MINING COMPANIES MUST BE HELD RESPONSIBLE FOR THE LACK OF PROPER TAILINGS DISPOSABLE SYSTEMS.”

QUESTION: Should the Government impose strict penalties and fines on mining companies who are not adhering to environmental laws in the country?

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NGO 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATOA 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAI/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8



Makim nupela Pop bai kamap namel long Mas 15-20

I kam long Zenit Nius

BIHAINIM planti askim we ol niusman long Rom na wol i putim long pinis bilong Benedict 16 olsem Pop, Jesuit Pater Frederico Lombardo em Dairekta bilong Vatikan Pres i ansaim sampela ol askim i kamap planti taim long en.

NAMEL long Mas 15 na 20,2013, vot long makim nupela hetman bilong Katolik Sios long wol bai kamap long Vatikan Siti, Rom.

Samting olsem 120 Kadinel long wol bai holim konklev o bung na bihainim rot Katolik Sios i gat long en long makim nupela pop long kisim ples bilong Pop Benedict 16, husat i risain long wok bilong em tupela wik i go pinis bikos em i go lapun. Na em i no nap karimaut gut wok bilong em.

Ol kadinel bai pre, toktok na vot long nupela hetman, tasol Pop Benedict 16 bai no inap stap insait long dispela bung bilong makim nupela pop.

Wanpela nupela senis we Pop Benedict i bin mekim long

makim nupela pop long 2007 na ol bai bihainim long dispela ileksen em long konklev bilong ol bisop i bihainim tu tets mejoriti voting sistem long makim nupela pop. Tasol ol narapela samting i stap wankain na ol bai bihainim olsem i stap aninit long Apostolik Konstitusen o Loa.

Long sait bilong nem we Benedict 16 bai kisim o bai senis, planti i laikim bai nem i stap wantaim em na i no senis.

Ol i toktok yet long dispela samting. Planti i laikim bai nem, Benedict 16, i stap wantaim em na i no senis. I moabeta em i kisim taitel, "Bisop Emeritus bilong Rom". Long Pontifiket Yi-abuk, Benedict 16 bai stap olsem opisel nem em bai yusim, "Jesuit Pater Frederico Lombardo em Dairekta bilong Vatikan Pres i tok.

Em i tok Kenon Loa bilong Katolik Sios i gat hap we Pop i ken risain long em.

Pater Frederico it ok Pop Benedict i makim 8 kilok (Februari 28) long risain bikos

dispela e mi taim e mi save pinisim wok bilong em olgeta de na go malolo.

Bihain long Pop i pinis long wok long Februari 28, em bai go stap long ples bilong pop em Castel Gandolfo, na bihain long tripela mun, em bai go bek long Vatikan na stap long Mater Ecclesiae konven we em bai stap insait tasol na mekim wok bilong em na pre i stap.

Praivet sekreteri bilong em, Kadinel George Ganswein, bai go stap wantaim em long dispela tupela ples, na long wankain taim tu, em bai holim wok olsem prifek long Papal Haus.

Sapos olsem wanem, namba tu praivet sekreteri bai go long Castel Gandolfo na stap long sampela taim wantaim Benedict 16.

Pater Frederico i tok ol Memore Domini grup meri husat i save helpim Pop long ol samting long haus bai stap wantaim em na sekreteri bilong em.

Em i tok i nogat salens long

Jesuit Pater Frederico Lombardo em Dairekta bilong Vatikan Pres i tok.

Ait long (kisiml pawa nau long Vatikan, tasol em i gutpela long ol wan wan man i expresim o autim tingting bilong ol long ol samting i kamap long en.

Em i tok wanpela jenelis bilong Gemani, Peter Seewald i bin intaviuim Pop Benedict pastaim em i tokaut long risain bilong em, na tu taim em i no Pop yet.

Em i tok dispela jenelis i wok long raitim opisel baiografi o stori long laip na wok bilong Pop Benedict 16.

Pater Frederico it ok Benedict 16 i nogat tingting long go bek long asples bilong em long Gemeni bihain em i pinis long wok olsem hetman bilong Katolik Sios long wol bikos stap na ol preia bilong em long Vatikan bai strongim spirituel laip bilong papasi. Na em i stap long Vatikan moa long 30 krismas pinis.

Prea i gat pawa

LONG wanpela Holi Spirit semina, wanpela dokta i wokim testimoni bilong em long strongim bilip na pasin bilong prea bilong ol manmeri.

Em i tok, "prea i gat pawa. Mi laik pruvim dispela long yu".

Em i bin stori long wanpela liklik meri kris-mas bilong em 8-pela yia tasol. Em i gat tumor o solap insait long bel bilong em.

Olgeta dokta i tok ol i ken operetim em na rausim dispela tumor, tasol ol i no promis bai dispela operesen i helpim liklik meri long stap laip.

Ol i bilip olsem dispela operesen bai pinisim laip bilong dispela liklik meri. Liklik meri bai dai long taim bilong operesen.

Nau insait long operetim rum (OT), olgeta nes i bisi long mekim redi olgeta samting bai ol i yusim long operetim liklik meri.

Liklik meri i slip pinis long bet bilong operesen. Tasol taim bilong statim operesen i no kamap yet, olsem na liklik meri i askim dokta husat bai operetim em, "**Dokta, inap mi askim wanpela samting?** Dokta i tok. "**Yes daling, wanem samting yu laik askim?**"

Liklik meri i tok; "*Olgeta nait, bipo long slip mi save wokim prea. Nau mi askim yu, bipo yu operetim mi, inap mi wokim prea long hia tu?*"

Dokta i tok: "*O yes, daling! Yu mas pre. Noken lusim tingting pre long helpim mi tu.*"

Liklik meri i foldim tupela han bilong em, pasim ai na pre olsem: "*God papa, yu gat strongpela laik pasin na strongpela pasin bilong mari mari. Blesim mi tunait taim mi stap long tudak, mi laik bai yu stap klostu long mi olgeta taim. Lukautim mi inap long san i kamap tumora moning. Blesim tu Dokta husat bai operetim mi tunait na olgeta nes bilong em, Amen.*"

Taim em i wokim prea pinis, liklik meri i tokim dokta; "*Nau mi redi pinis dokta! Yu ken operetim mi nau.*"

Dokta i tokim ol manmeri long semina olsem; "*Ai wara i pulap long ai bilong mi taim mi i lukim strongpela bilip bilong dispela liklik meri. Na mirakel i bin kamap. Mi bin wari olsem em i bai dai long taim bilong operen. Tasol operesen i bin kamap gutpela tru. God i bin harim prea bilong em na mekim emi kamap orait. Opresen mi wokim long em, i karim gutpela kai kai stret. Liklik gel i kamap orait na wild tumor i laik kilim em, i no stap moa long bel bilong em. Em i kamap strongepela gel na e mi stap laip inap tude.*"

Taim ol i tok orait long liklik meri i ken go bek long haus bilong em, em i amamas tru na tok tenkyu planti taim long mi.

Taim em i lusim haus sik, mi kirap na luk-save long mi yet olsem "*Mi yet i wanpela sikman i bin kamap orait long operesen bilong bilip bilong mi. Strongpela bilip bilong liklik meri, i mekim mi kamap orait nau long spiritual sik bilong mi. Bilip bilong liklik meri i strongim bilip bilong yumi, na nau mi save pre olgeta taim.*"

Bilip bilong liklik meri i skulim yumi olsem, sapos yumi putim olgeta wari na hevi bilong yumi long han bilong God, em i bai helpim yumi na mekim yumi i kamap orait gen.

I tru, prea na bilip i mekim yumi pas strong long God na trastim em oltaim. Em i bai lukautim yumi na kamapim strongpela hop bilong yumi long em. Prea i mekim bilip bilong yumi i kamap ples klia na strong.

Ol Lutheran Sios yut lida sindaun long woksop

Paulus Tali i raitim

OL yut lida insait long Ivanjeliol Lutheran Sios long PNG i bin holim wanpela wik trenin g program bilong ol las wik.

Wanpela long ol samting ol bin toktok long en em long 5 Star Program we i lukluk moa long program bilong yut insait long wan wan distrik, seket, peris i kamap gut long mak bilong wok ministri bilong ol yangpela long nau na i go long yia 2020, bilong inapim visin bilong ol.

Wokabaut bilong sios ministri wantaim ol yangpela em ino isi long dispela taim.

Long bipo em bin isi bikos ol lida i save wok wantaim bilip ol igat long em tasol long nau,

kain kain laip stail na bringim tingting na luk luk bilong yangpela i no sanap stret long wok ministri bilong yut insait long sios ministri.

Woksop i bin kamap long Ampo het kwata na i bin stat long Februari 4 inap long long de namba 8.

Long woksop, meri i go pas long gutpela sidaun program em Dawa Kale i bin givim tok tok long ol yut lida long program bilong yut i no isi.

Long wainkain taim tu, em bin tok long wokabaut bilong program i go insait long distrik, seket na peris, em bihainim tasol mani bilong wokabaut long kamap long ranim woksop bilong Gutpela Sidaun, program long wan wan hap ol i stap, long en.

Dispela program tu i kam insait long 5 star aninit long dipatmen bilong Yut Ministri.

Long ol arapela distrik, em hat long wokabaut olsem bikos long maunten na hevi long i go kam, na sampela i stap long ailan we hevi long si trenspot.

Long dispela tasol na Miss Kale i tok long lukluk nau long program bilong em namel long arapela distrik olsem Karkar na Madang we tupela i kamapim gutpela sidaun program we ol yangpela na mama i amamas long luk luk bilong em.

Insait long trening woksap, Yut Dairekta, Faen Mileng na German Lutheran Yut edvaisa Mathias Traoeder i tok, yut wok em i stap, tasol sapot i mas kam long wanwan distrik na seket.



MONING TI: Ol Lutheran Sios Yut lida i malolo na dring ti long taim bioong bung. **Poto: Paulus Tali.**

Ol Vatikan Dipatmen het bai stop wok tu long Februari 28

TAIM Pop Benedict 16 i pinis long wok bilong em long 8 kilok nait long Tunde Februari 28 olsem hetman bilong moa long 1.5 bilian Katolik Sios pipel long wol, olgeta het o bos bilong ol Vatikan Dipatmen bai stop o i no nap karimaut ol wok bilong ol.

Tasol liklik lain bai go hetim ol wok. Em long Vikar Jenerel bilong Rom husat bai go het long givim pastoral kea bilong ol manmeri long Rom, givim ol sakramen na mekim ol wok olsem.

Narapela bai lusim bikipela wok bilong en em olsem long Vatikan Sekreteri bilong Stet, Kadinel Tarcisio Bertone. Dispela wok em i wankain olsem praim minista.

Tasol Kadinel Bertone i holim narapela bikipela wok we em bai skruim i go yet. Dispela em long bosman bilong Vatikan Treseri bilong sios long wol.

Dispela posisen wantaim Apostolik Semba, (em opis ol bin kirapim yet long ol Midel Ejes olsem treseri bilong pop,) i save ranim Vatikan Stet na em i lukautim tu ol propeti na mani bilong stet taim pop i no stap.

Long tokples Latin taim wanpela Pop i dai o risain na lusim sia.ol i save tok olsem "sede vacante", samting we nau Pop Benedict i mekim na i kamap.

Mas long stopim pasin bilong bagarapim meri

OL meri i laikim bai bikpela mekim save i go long ol lain i save paitim nogut na bagarapim ol meri.

Long soim wari bilong ol long dispela, samting olsem 1,000 meri long Lae siti, Morobe Provins i bin wokim wanpela mas o wokabaut na prosenim wanpela petisen i go long Komyuniti Developmen Minista na Membra bilong Lae, Loujaya Toni long dispela wik Tunde.

Grup i bin go pas long dispela mas em “Women Arise” na ol bin mas i go long Se Ignatius Stedium long Lae.

Liklik lain man tu i bin wokabaut wantaim moa long 1,000 meri i kam long olgeta hap bilong Lae Siti long soim wari na stopim ol nogut pasin long paitim na bagarapim meri, ol

wanpisin pait na kraitim i wok long kamap bikpela insait long Lae Siti.

Ol meri i bin kisim wanpela petisen i go long Minista Toni long prisenim long Praim Minista Peter O’Neill, na gavman bilong em i ken wokim samting long stopim na daunim pasin bilong paitim nogut na bagarapim ol meri.

Sampela long ol bikpela toktok i stap long petisen em:

- G i v i m bikpela mekim save long ol man i wokim pasin nogut long ol meri;
- Putim nem, ples em i kam long em na ol kain infomesen olsem long ples klia long ol man i wokim pasin nogut, na tu, bagarapim ol meri, taim kot i painim olsem ol i giliti o rong;
- Gavman na

ol koporet kompani long putim ziro tolerens long vailens na paitim na bagarapim meri long wokples;

- Insait long ol skul kurikulum i putim lainim long ol gutpela pasin olsem wanpela sabjek ol pikinini i lainim long en;
- Mekim fri olgeta strit long Lae long ol kain vailens; na
- N u p e l a polis akademi long Lae i kisim moa yangpela manmeri long kamap polis na helpim strongim wok bilong g polis.

Ol meri i mas i bin kam long ol gavman opis, koporet na praivet sekta, ol sios, ol NGO na ol setelmen eria i bin stap insait long dispela mas na bung long Se Ignatius Killage Stedium long Lae.



GREДУЕСЕН: Bihain tasol long greduesen, ol Viles Bet Atenden (VBA) i sanap wantaim ol sampela samting ol bai yusim long wok bilong ol. **Poto: Wol Visen PNG**

Ol mama sindaun long tupela wik helt woksop

OL meri long planti hap bilong PNG i stap longwe long ol rurel komyuniti long dispela kantri i go het long bungim ol salens.

Sampela i save lusim laip bilong ol taim ol i wokabaut i go longwe hap long kamap long haus sik o skul.

Taim em i bikpela samting olsem helt senta i stap klostu, bai ol laip i seif sapos i gat komyuniti helt woka i gat trening na em i ekn sevim ol laip.

Olsem na em i gutpela long gat ol lain i kisim trenin g olsem viles bet atenden o ol lain i helpim ol mama i karim bebi long ples sapos ol i painim hat long go long helt senta na karim bebi.

Long dispela mun, 24 meri i bin greduet olsem Viles Bet Atenden (VBA) long Madang bihain ol i pinisim tupela wik trening bilong ol.

Soroptomis Intanesenel

senel i bin wok bung wantaim Wol Visen long Matenel Child Helt na Nutrisen (MCHN) projek na ranim tupela wik kos long Gusap helt senta long Februari 4 na pinis long de namba 15 Februari.

Midwaif Serah Nimi i bin go pas long dispela kos we 7-pela pipel Usino Bundi na Bogia, em ol eria we Wol Visen i bin tagetim, wantaim 17-pela pipel bilong Rai Kos we Soroptimis Intanesenel i sponsaim i bin sindaun long tupela wik kos.

Trenin i bin karamapim ol eria olsem, wok bilong VBA, luksave long nid bilong komyuniti olsem VBA, luksave long helt sistem na netwok, anti netel kea, ol hevi we mama i gat bek bai bungim, tripela hap long ol pen we mama i bungim taim em i laik karim bebi, ol hevi long karim bebi, leba na karim, luksave

long jenda insait long ol rurel komyuniti, trening na glasim na skelim na las em, greduesen bilong ol lain i bin sindaun long woksop.

Sampela ol samting we ol lain i bin sindaun long trening i yusim em VBA Seif Madahut Henbuk, na Kamap gutpela Volantia-PNG VBA Polisi Henbuk.

Ol lain i bin sindaun long kos i bin kisim lainim long Tok Pisin na dispela i bin helpim ol i klia gut long ol samting hariap bikos planti bilong ol i no bin go long skul, o i no bin kisim gutpela skul.

Tasol dispela i no bin stopim ol lain long putim ol askim, na ol bin kisim gut save long go bek na helpim ol lain insait long ol wan wan komyuniti bilong ol.

Ol helt woklain i rijista pinis i bin supavaisim ol lain i sindaun long trening kos.

Long taim bilong greduesen, ol wan wan bilong ol i sindaun long VBA trening i bin kisim ol samting bilong helpim ol long wok bilong ol.

Olgeta mun, ol VBA i mas wokim na givim ol ripot bilong ol long olgeta mun.

Taim em i bikpela long ol VBA i kisim trening na helpim ol mama na ol pikinini long ol rurel komyuniti, narapela bikpela samting em i mas gat link o wok bung wantaim namel long ol VBA, ol helt senta, haus suk na etpos, ol woklain na ol narapela stekholda husat i mas woki strong long lukim olsem wok i kamap na ol i serim.

Wol Visen Australia i fandim dispela projek na as tingting bilong en em long kamapim gut helt ol mama, ol pikinini na ol nupela bebi insait long 16-pela komyuniti long Usino-Bundi, Gama na Bogia i kisim ol gutpela kaikai.

Gutpela Valentain’s de long Alotau



AMAMASIM VALENTAIN’ S DE: Wanpela yangpela man i kisim ol flawa long bosmeri bilong AIH, Mimi Shome. **Poto Alotau Intenesenel Hotel**

VALENTAIN’S de selebresen long Alotau, Milen Be Provins i bin ron gut stret na top 5 meri i resis bai go insait long Mis Milen Be resis bai kamap long sampela taim bihain long dispela yia.

Alotau Intenesenel Hotel em ples we ol bin wokim selebresen na makim ol wina.

Ol ripot i kam long Alotau i tok dispela em i namba wan taim long Alotau ol bin makim Valentain’s De wantaim fasen so na stail na olgeta samting i bin ron gut.

Alotau Intanesenel Hotel (AIH)

Jenerel Menesa, Miami Shome i tok fasen So long dispela de i opim rot bilong Mis Milen Be resis long painim Mis PNG Red Kros long en.

Em i tok tu olsem kain so bai promotim provins bilong ol olsem at, fasen na kalsa senta na olsem, em i sapotim stret ol yangpela bilong provins i go insait long ol kain so.

Em i tok AIH bai ogenaism ol woksop long at na kraf na ol narapela eria moa we ol yut i gat intres o laik long en.



WELKAM: Ol meri sumatin i welkamim Praim Minista Peter O’Neill taim em i go kamap long Wewak Ples balus long dispela wik. **Poto: Pater Jozef Roszynski, SVD, Wewak**



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Solomon oposisen i sapotim ol tisa

OPOSISEN i sutim tok long gavman long brukim tok promis bilong en long peim ol nupela mak bilong pei bilong ol tisa.

Oposisen lida, Dokta Derek Sikua, nau i bin askim Ministri bilong Fainens long tok klia olsem wanem na gavman i bin feil o abrus long bihainim tok orait ol i bin sainim wantaim Solomon Ailans Nesenel Tisas Asosiesen long stretim dispela nupela pe bilong ol.

Oposisen Lida i go het na tok eli long dispela mun, i bin gat tok orait i bin kamap namel long Tisas Asosiesen na gavman, tasol gavman i bin asua long i no mitim dispela komitmen bilong em.

Dokta Sikua i no bin nap long toktok wantaim mipela, tasol Asisten Jeneral Sekreteri bilong Solomon Ailans Nesenel Tisas Asosiesen, Walter Tesuatai, i bin nap long toktok wantaim mipela.

Wes Papua na Indonesia i mas toktok gut long bel-isi

OL LIDA bilong Wes Papua long Pasifik i askim strong Indonesia long sindaun na toktok gut wantaim ol Wes Papua pipel long kamapim gutpela sindaun long provins.

Ol i mekim dispela toktok bihainim wari olsem gavman bilong Indonesia bai yusim militari na polis long bekim dai bilong 8-pela soldia, em ol i bin kilim ol long Wes Papua long wiken i go pinis.

Indonesia i sutim tok long ol memba bilong OPM, husat i laikim indipendens long Wes Papua, long ol i bin kilim ol dispela soldia.

Foapela sivilian o man nating tui bin dai long dispela hevi.

Dokta John Ondowame, em i wanpela Wes Papua lida i stap long Vanuatu.

Saut Korea lukim namba wan meri presiden

SAUT Korea i redi nau long mekim tambu, namba wan meri presiden bilong kantri long wanpela seremoni long kapitel, Seoul.

Ol wok redi i go het nau long Seoul long ol i mekim tambu, namba wan meri presiden bilong kantri, Park Geun-hye.

Planti tausen pipel bilong Saut Korea i wok long go long joinim dispela selebresen.

Dispela seremoni, em ol i mekim long fran bilong Nesenel Asembli, na samting olsem 70,000 pipel nau bai stap long en.

Gavana Jeneral bilong Australia, Quentin Bryce, i namel long ol biknem pipel long ol arapela kantri i stap long dispela seremoni.

Dispela seremoni i bin gat wanpela 21-gan salut, na repa singa man bilong



BUNGIM NA LUKSAVE: Gavana Jeneral bilong Australia, Quentin Bryce, i bin stap long bungim namba wan meri Presiden bilong Ripablik bilong Korea, He Ekselensi, Park Geun-hye long dispela wik Tunde. (Foto: AAP IMAGES)

Korea, Psy, husat singsing bilong en, "Gangnam Style", i bikipela long wol las yia, i pilai tu long dispela seremoni.

Olsem lida bilong namba 4 bikipela ekonomi long Esia, Mis Park i fesim ol bikipela wok olsem ekonomi i wok long slo daun, na kostim bilong welfe i wok long go antap.

Mis Park, husat i gat 61 kris-mas, i kisim wok presiden moa long 50 yia bihain long papa bilong en, Park Chung-hee, i kisim pawa long wanpela militari tekova.

Papa bilong en i bin go het long ranim kantri insait long 18 yia, inap ol i kilim em i dai.

Mama bilong Mis Park, ol i kilim dai tu faipela pastaim long papa bilong en, nupael presiden ya i no bin marit o gat pikinini.

US ami raus long Afganistan provins

AFGANISTAN Presiden, Hamid Karzai, i bin odarim ol US spesol foses aut long wanpeal sentral provins, na i sutim tok long ol Afgan husat i wok wantaim ol long paitim na kilim dai pipel.

Mista Karzai i tok, ol spesol foses mas raus long Wardak, insait long tupela wik, long wanem, ol Afgan lain ol i givim samting bilong pait long ol, i go het long kamapim bikipela belhevi long komyuniti.

Dispela i wanpela problem gen long ol fos long hap we Amerika i go pas long ol, bihainim Mista Karzai i bin givim oda long pinisim pasin bilong ol lokol sekuriti lain i save askim ol NATO long mekim ol ea straik.

Dispela i makim bihain long planti moa long ol pipel long ples i save dai long ol ea straik.

Mausman bilong Presiden, Aimal Faizi i tok Presiden Karzai, i mekim dispela disisen long Wardak long wanpela miting bilong nesenel sekyuriti kaunsil.

Em i tokim ol niuslain olsem ol US spesol foses, na ol iligel paitman grup we ol i sanapim, i wok long kamapim krosipait na bagarapim sindaun bilong pipel insait long dispela provins.

Long narapela hevi, ol i kisim wanpela sumatin long haus bilong en long nait, na ol i painim dai bodi bilong en, we ol i bin paitim na katim nek bilong en aninit long wanpela bris, ol i tok long wanpela nius ripot.

Fiji tingting long seks ofenda rejistri

FIJI i tingting long setim ap wanpela rekod bilong ol pipel we ol i bin kotim ol long ol seks kرائم, long dil wantaim ol as bilong ol seks kرائم.

Fiji i nupela long ol Pasifik kantri we i tingting long rejistri

bilong ol seks ofenda.

Fiji Minista bilong Wimen, Dokta Jiko Luveni, i tok wanpela rejistri bai dil wantaim ol tru tru kos o as bilong ol seks kرائم, olsem reip bilong ol yangpela gel na meri.

Minista ya i tok dispela rekod bai gat nem bilong ol seks ofenda, na bai ol i save yusim long save we ol is tap long en na bilong skulim ol – na tu bai polis i save yusim ol dispela infomesen.

Shamima Ali, Sif Eksektiv bilong Fiji Wimens Krais Senta, i tok dispela eks-ofenda rejistra i no bin wok long bipo.

Em i tok olsem em i no agensim dispela aidia, tasol ol in id long toktok moa long en long sait bilong humen raits.

Mis Ali i tok gavman i noken toktok nating, ol i mas lukluk long ol kantri we i gat dispela system i stap, na painimaut gutpela long wanem hap dispela kain rejista i wok gutpela – na em nau, Fiji i ken bihainim.

Pentagon i pasim pastaim ron bilong F-35 jet pait balus bilong en

PENTAGON i bin pasim pastaim ron bilong ol F-35 jet pait balus bilong en bihain long ol i painim asua insait long ensin

bilong wanpela balus bilong en.

Ol i pasim pastaim ol ron bilong 51 ol jet pait balus bilong en taim ol i wok painim insait long ensin bilong wanpela long ol balus bilong en i wok long go het.

Ol i painimaut long dispela asua long taim ol i bin wok long sekim ol balus olsem ol save wokim oltaim long Edwards Air Force Base long Kalifonia (California).

Dispela em i namba tu taim ol i bin pasim ron bilong ol dispela balus insait long tupela mun.

Mausmeri bilong Pentagon, Kyril Hawn, i tok tok ol i no save lng hamas wik o mun ol dispela balus bai noken wok pastaim.

"Mipela i toktok long analisis o wok glasim long wanpela bled o propel insait long wanpela tebain," em i tok.

"Mipela i mas painim, wantaim ol straksarel tes, sapos dispela em i wanpela samting tasol, o sapos em bai ken kamapim moa hevi long F-35 lain balus."

Dispela F-35 i bin wanpela bikipela wepen program bilong Pentagon, ol i save kolim Join Straik Faita (JSF) program, tasol nem i bin go bagarap long sukurim taim tumas, na kos i bin wok long i go antap. Australia i sukurim taim pastaim long ol oda bilong jet balus bilong pait pastaim long em i bin soim laik long baim 100 long ol dispela balus.

Olpela difens minister, Joel Fitzgibbon, i bin hariap tru long sutim tok long ol top militari opisal bilong Australia long samting em i kolim 'obesesen' bilong ol wantaim F-35 pait balus.

PacificBEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

**Mi kisim bek mani
bilang gavman!!**



Jada 2013!

Gutpela nius long moa stretim bai kamap

TOKSAVE mipela i kisim long Jastis Minista na Atoni Jeneral Kerengua Kua olsem ol i kisim bek moa long wan milian kina gen long mani ol stilman i bin haitim, em i gutpela nius tru.

Pasin stil, em mipela i bin save olsem em i wok kamap. Ol hanmak i stap, na ol tokwin i save plai raun olgeta taim, na i go long olgeta hap kona bilong kantri.

Tasol taim yumi bin save harim, em i save kam olsem win tasol, kirapim wari na sutim bel bilong yumi, na em i save



go.

Bihain, taim narapela bikpela nius i kamap, bai dispela ol tokwin i sindaun isi gen, inap narapela tokwin long pasin stil i kamap.

Yumi no save kisim wanpela kain toksave olsem ol i holim ol stilman o nogat.

Dispela kain tokwin, em bipo i daunim tru bilip bilong ol pipel, long strong bilong gavman, na ol lain bilong yumi long polis.

Nau, i luk olsem dispela

i wok long senis.

K1.2 milian, em i no liklik mani.

Em namba wan samt-ing.

Dispela hap mani, em i bikpela hap mani tru. Em i nap long baim hamas handret kar, sanapim hamas handret klasrum, o silip hamas handret kilomita rot.

Tasol nogat. Em i bihainim sampela kain rot na kam sindaun insait long benk akaun bilong ol stilmanmeri.

Long dispela wanpela taim, stilman em i wanpela polis meri.

Em i kisim tingting long

mekim dispela pasin stil olsem wanem, ating bai yumi painimaut yet.

Tasol wanpela samt-ing em i klia.

Wanpela manmeri long opis bilong mani o fainens, i save long rot dispela mani i bihainim, na go long akaun bilong ol stilman.

Yumi mas harim moa nius olsem.

Gavman i mas tokaut strong long olgeta ol bisnis, man o meri i stilim mani bilong pipel, na i kaikaim long ai bilong pipel yet.

Yumi mas i gat wanpela rot bilong semim, na mekimsave long ol lain i asua olsem.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela via, 52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

RADIO AUSTRALIA TOK PISIN PROGRAM
HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Spots
7.30PM Nius na Karen Afeas
8PM Helt
8.15PM Musik
8.30PM NIUS
8.40PM Spots Riplei
8.55PM Musik
9PM Stesen Pas

TUNDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Mama Graun
8.15PM Musik/Spots
8.30PM NIUS
8.40PM Helt Riplei
8.55PM Musik
9PM Stesen Pas

TRINDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Focus
8.15PM Musik/Spots
8.30PM NIUS
8.40PM Mama Graun Riplei
8.55PM Musik
9PM Stesen Pas

FONDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Youth
8.15PM Musik/Spots
8.30PM NIUS
8.40PM Focus Riplei
8.55PM Musik
9PM Stesen Pas

FRAIDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Wantok
8.15PM Musik
8.30PM NIUS
8.40PM Youth Riplei
8.55PM Musik
9PM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok
8PM Lokal Ben
8.30PM Nius
8.40PM Musik/Chit Chat
9PM Stesen Pas

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Femili Blong Serah (Radio Plei)
8PM Lukluk Bek Long Wik
8.30PM Nius
8.40PM Musik/Chit Chat
9PM Stesen Pas

Snek bilong kaikai ol man save pret tu long en



Kepsen: Grinpela abus ya i raunim em yet na slip, taim san kisim em, em tanim em na pulim em go longpela stret. **Poto Nicky Bernard**

SAMPELA Snek na rokok
ol manmeri save kaikai
long ples, dispela em ol
abus bilong ol tumbuna bi-
long bipo, na sampela bi-
long yumi holim yet i stap.

Grinpela snek em gut-
pela abus bilong sampela
lain long kaikai long
abusim strongpela kaikai
bilong ol.

Long Jiwaka, wanpela
liklik ples i holim wanpela
bikpela bung long opim nu-
pela klasrum bilong ol
pikinini long skul long en.

Potoman bilong dispela
nususpepa go wantaim ol
long dispela bung, em wok
long kisim piksa stap tasol
em no luksave olsem ol
ples lain i bilasim liklik haus
bilong ol bikmanmeri long
givim tok wantaim wanpela
grinpela snek.

Potoman ya em man bi-

long pretim snek stret.
maski em abus o gutpela
snek we i no save kaikai
man, tasol dispela em bai
no inap stap klostu.

Em raun kisim piksa na
em go klostu stret long dis-
pela grinpela snek we ol bi-
lasim haus long en, na taim
snek i pilim hot bilong san
na em muv liklik, poto man
ya i muv olsem ol ronim em
o.

Ol ples lain bin tok gut tru
long wanem ol save olsem
dispela snek bai no inap
kaikai ol na ol save long
dispela gren pela snek.

Sampela lain autsait go
tok na lukim snek i muv,
toktok bilong ol bin abraus
long sampela rot tasol ol
manmeri save olsem ol pret
long dispela grinpela snek.

Potoman tu i moa stap
klostu nau, em stap long
we na yusim longpela lens
tasol long kisim piksa bi-
long ol manmeri toktok.

EMTV Television Guide

[illegible]



BIABIA



KANAGE



TOKWIN

Vision City pulap long stail stilman...

Planti kainkain stail stilmanmeri i raun long Vision City..Ino ol liklik mangi tasol ol traipela papa mama na ating bubuman i wok long stil insait long vision city..

Nambawan stil pasin i kamap em: Wampela papa Tari i karim raun wampela plastik beg. Insait long plastik beg em wampela katen bokis bilong cambris smuk i stap insait. Insait long dispela cambris katen em ol katbot em katim katim likliklik na pulumapim insait long wanwan bokis bilong smuk na pasim

gut tru olsem ol fektri i bin pasim. Em i gat mani long baim narapela katen cambris smuk na wokbaut i go long ples bilong salim smuk na askim meri long kaunta long givim katen (24 gross) cambris smuk. Em i givim moni long meri na meri i laik go long til na senisim moni, long semtaim man yah i senisim giaman cambris na putim antap long kaunta. Taim meri i kambek long givim senis, man bai tokim meri olsem, maski karim pallmall grin i kam na putim bek cambris. Dispela taim em popaia bikos taim meri yah i laik apim bokis na putim bek, em pilim olsem hevi bilong bokis ino wankaim bipo. Em singautim ol sigi i kam na sekim bokis na kamautim olgeta

katbot i kamaut...O sore, fada man em kisim stret...
Nambatu stil pasin: Wampela mama Simbu werim taita na putim long meri blaus na siket na go giaman raun insait. Nogat man i lukluk na em haitim tenpela liklik tin Ox & Palm insait long taita bilong em na wokabaut raun i stap. Mi no save tasol, wampela tin mas kaikaim em insait na meri painim hat long wokabaut. Ol sigi i lukim em na saspek olsem meri i hatim sampela samtin insait long sangana bilong em. Hariap tru ol sigi meri karim em igo long toilet na painim tenpela buli bif pas gut tru long taita bilong em...Yu save pinis..Tok i dai long hap..

Tokwin tasol

A	T	R	I	F	H	F	T	Y	F	S	I	A	S	E	A
A	J	L	S	M	H	L	A	L	E	I	W	L	F	L	J
L	S	E	S	L	A	L	E	I	W	L	F	L	J	L	I
I	T	F	A	E	S	F	L	I	V	A	A	X	E	N	I
I	A	S	A	H	J	E	L	S	U	G	N	S	J	I	
S	E	S	U	L	I										
S	C	T	U	L	H	I									
A	T	S	O	J	E										
L	I	L	J	A											
I	T	L	I	M	I										
S	J	O	L	S	S										
S	J	O	L	S	S										
I	T	L	I	M	I										
T	E	S	E	F	A										
W	S	E	A	S											
A	L		I	L	U										

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONAIR	PLES BALUS	KAGO	TI
KOPI	JIUS	BISKET	SIA LET
SIA	TIKET	SEKIN	SEKYURITI
LAP JAKET	EA HOSTES	PAILOT	SUTKES

2		4	9	6		1		5
	3			8				
	8	1				4	9	
7			1	4			3	9
		3		9		2		
9	6			3	2			1
	2	7				3	6	
				7			1	
3		6		1	4	8		

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

Ansa bilong las wik Pasol

T	A	R	A	G	A	U	B	I	L	O	N	G	N	A	I	T
				S												
K				E					K	U	M	U	L			P
A				K	A	L	A	N	G	A	R				I	
K							A							S		
A				K	O	K	O	M	O			S	I			K
R				T							A	N		K		O
G	U	R	I	A		A			R					A	K	
K							R		G					V		I
							A				P	I	P	I		
				P	A	T	O	L		G		B		V		
I				O	E				A		A			I		B
A			K		P						U	L				U
N		T		T				K	A	K	A	T	U			K
A	O		I								S					A
K			A													
W				S	U	B	G	N	O	L	I	B	L	U	A	P

EMTV Television Guide

11:00 PM G NATIONAL EMTV NEWS – Replay	4:00PM MAGICAL TALES EP	9:00 AM CLASSROOM BROADCAST	TRINDE FEBRUERI 27, 2013	5:57 PM G CRIME STOPPERS
12:00 PM G AUSTRALIA NETWORK	4:30PM SLEEPOVER CLUB	9:00am Grade 7 Mathematics		6:00 PM G EMTV NATIONAL NEWS
	5:00 PM G KITCHEN WHIZ	9:50am Grade 7 Science	4:57 AM G AUSTRALIA NETWORK	7:00 PM G FACT FILES
	5:30 PM G FUNNIEST HOME VIDEO SHOW	10:40am Grade 8 Mathematics	5:00 AM G JOYCE MEYER	8:00 PM G TOK PIKSA – Repeat....
MANDE FEBRUERI 25, 2013	5:57 PM G CRIME STOPPERS	11:20am Grade 8 Science	5:30 AM G EMTV NEWS REPLAY	8:30 PM PGR MERLIN EP# 11/13“The
	6:00 PM G EMTV NATIONAL NEWS	1:00pm Grade 6 Mathematics	6:00 AM G TODAY	Labyrinth of Gedref “
	7:00 PM PGRWILDLIFE MAN – David Ire	1:50pm Grade 6 Science	9:00 AM CLASSROOM BROADCAST	9:30 PM G EMTV NEWS REPLAY....
	land“The Sea God”	2:30pm DEPI Program	Grade 7 Mathematics	10:30 PM G AUSTRALIA NETWORK
	8:00 PM PGRTHE MENTALIST – S1/EP#6“Red-	3:30 PM G KIDS KONA	9:50am Grade 7 Science	
	Handed ”	3:30 PM SHARKY’S FRIENDS	10:40am Grade 8 Mathematics	
	7:57 PM G EMTV TOKSAVE	4:00PM MAGICAL TALES EP	11:20am Grade 8 Science	
	9:00 PM G SPORTS SCENE EP#03	4:30PM SLEEPOVER CLUB	1:00pm Grade 6 Mathematics	
	9:30 PM G EMTV NEWS REPLAY	5:00 PM G KITCHEN WHIZ	1:50pm Grade 6 Science	
	10:30 PM G AUSTRALIA NETWORK	5:30 PM G FUNNIEST HOME VIDEO SHOW	2:30pm DEPI Program	
		6:00 PM G EMTV NATIONAL NEWS	3:30 PM G KIDS KONA	
		7:00 PM G HAUS& HOME EP#2	3:30 PM SHARKY’S FRIENDS	
		8:00 PM G BUSINESS PNG – Ep#5	4:00PM MAGICAL TALES EP	
		8:30 PM PGR NIKITA S1/EP#6“Resistance”	4:30PM SLEEPOVER CLUB	
		9:30 PM G EMTV NEWS REPLAY	5:00 PM G MR. MAKER	
		10:30 PM G AUSTRALIA NETWORK	5:30 PM G FUNNIEST HOME VIDEO SHOW	

Ol Progam na Kilok i ken senis oltaim...



NEM: Joshua Malken
KRISMAS: 30 (Man)
ADRES: PO. Box 4132, Destiny F/Ship, Lae Morobe Provins
SAVE LAIKIM: Go Lotu, pilai music, singsing na praisim God, ritim Baibel, harim gospol musik, mekim gaden na laikim wanpela lotu meri husat i save go lotu long stap wantaim oltaim.

NEM: Elijah Hombo
KRISMAS: 23 (Man)
ADRES: Nisol Elementary School, PO. Box 538, Lae 411, Morobe Provins
SAVE LAIKIM: Raitim leta, Pilai soka, Volibol, Harim musik, Ritim Niuspepa, Go Lotu, Tok pilai na mekim pren.

NEM: Danny Henz
KRISMAS: 38 (man)
ADRES: PO. Box 4731, Lae, Morobe Provins
SAVE LAIKIM: Pilai gita, Go Lotu, Pilai soka, wokim haus na gaden.

NEM: Stanford Jackson
KRISMAS: 18 (Man)
ADRES: Komnaik Stationary Ltd, PO. Box 182, Mendi, SHP
SAVE LAIKIM: Go Lotu, Watsim TV, Pilai ragbi tas, Tok pilai na stori wantaim ol lain.

NEM: Dulcie Ben Mandi
KRISMAS: 23 (Meri)
ADRES: M&S Tsang Cash & Carry, PO. Box 19, Madang, Madang Provins
SAVE LAIKIM: Ritim Baibel, Harim gospol musik, Pilai gita, Go Lotu, Serim tok bilong God na ol samting long ol arapela, Wasim kolos na klinim haus.

NEM: Mocksy Gudego
KRISMAS: 19 (Meri)
ADRES: C/- Joshua Sono, PO. Box 77, Kiunga, Westen Provins
SAVE LAIKIM: Pilai Musik, Harim musik na ritim buk.

NEM: Ivan Gudego
KRISMAS: 17 (Man)
ADRES: C/-Joshua Sono, PO. Box 77, Kiunga, Westen Provins
SAVE LAIKIM: Go Lotu, Harim musik na painim poro.

NEM: Peter Kul
KRISMAS: 22 (Man)
ADRES: St. Edward Ambang - C/- PO. Box 28, Banz, Jiwaka Provins
SAVE LAIKIM: Raitim leta, Ritim buk, Pilai gems, Tok pilai, Harim musik na watsim TV.

NEM: Junior B. Dii
KRISMAS: 31 (Man)
ADRES: College of Distance Education, PO. Box 2071, Yomba, Madang Provins
SAVE LAIKIM: Go danis, Harim musik, Watsim TV, Tok pilai, Kisim wara na go swim

NEM: Yakias James
KRISMAS: 18 (man)
ADRES: Annia Village C/- Kanabea, Catholic Mission, PO. Box 220, Kerema, Gulf Provins
SAVE LAIKIM: Ritim Niuspepa, Pilai musik, Pilai soka, volibol, basket bol, Harim Stori.

Raun wantaim Kanage olgeta wik

Rais i no kuk yet...

KANAGE i stap wantaim meri bi-long em longpela taim nau. Wanpela apinun, meri bilong Kanage i redim pot kaikai na putim long paia. Meri hariap i go waswas bikos em ples i hot. Em tokim Kanage long was long pot kaikai long paia. Em i go waswas na em lus tingting long kisim sop. Em i go bek long haus long kisim sop. Em i go antap long kisim sop na lek bi-long em i wel na turangu hariap holim sait long haus. Tasol taul i lus. Kanage lukim olsem na em i opim ai na tok, "Aiyo...., rais i no kuk yet na Ox & Palm op pinis..."

Soulist Raiiotzs
Madang

Kros long beltait

WANPELA moning, papa Kanage go wok long gaden. Em wok i go na hangere kisim em. Em kam bek long haus na meri bilong em skelim kaikai bilong em. Kanage kaikai pinis na em tokim meri na pikinini meri bilong em, "yu tupela i go na karim ol paiauwut mi brukim pinis na i stap long gaden". Pikinini meri bilong em les. Papa Kanage belhat na em tokim em, "Yu les long wanem! Bai yu stap tasol olsem! Bihain yu marit, man bilong yu bai mekimsave long yu long dispela kain



pasin". Mama harim Kanage hatim pikinini meri na em tokim Kanage, "Inap ya! Maski long kros". Papa Kanage tanim em tokim mama, "Mi gat rait long kros na skulim em long wok. Yu noken tokim mi long pasim maus. Yu tupela les long mi kros, orait, yu tupela i go na painim rot long kaikai na kisim mani!"

P Posou

Rough! Rough!

Amerika na wanpela Papua Niugini pikinini, tupela i pilai long gras stap na skin blong tupela i sikarap. Papua Niuginian kirap na tok inglis long Amerikan olsem, "Yu Rough me first, then I rough you. Together we rough rough".

Tupela Marit

Tupela marit stap longpela taim na man igo marit wantaim wanpla niupela meri. Ino long taim ol i painim aut Na putim tupela long kot. Taim kot i askim tupela, tupela i Yes! Ino

long taim nambawan meri kirap Na tok, "Mi wanbel long tupela wokim, tasol mi laikim plastik contena wara blong mi mas karim i kam long mi yet"

Masol man

Wanpela bun kakaruk man pikinini kirap na askim bata blong em.

Olsem wanem long ol man i save bikipela na masol man nambaut ya? Bata blong em kirap na bekim olsem, "Ol save dringim planti sup". Dispela pikinini ya harim na olgeta taim em ino save westim long dringim sup. Olgeta taim em save mekim olsem na wanpela taim em tok long em yet olsem, "Man ating ol sup mi wok long dringim ya inogat gris long en olsem pik blong Sepik". Sapos pik blong Hailans em mi masol man nau!

Ol skwat!
Salim ol gutpela Kanage
tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email: jwilson@wantok.com.pg

Boipren i bikheth long mi

Dia Laiplain

MI WANPELA sumatin meri i gat 19 krismas na wokim Gret 12 long Sekonderi skul. Mi gat boipren pinis we mitupela i bin bung taim mipela i wokim Gret 3. Bikos long skul, mi nau stap long narapela provins.

Taim mi skul i stap long narapela provins, kasen susa bilong mi i tokim mi olsem em i raun wantaim boipren bilong mi. Mi wari na sori nogut tru taim mi harim dispela nius. Taim mi go long Krismas malolo, mi askim boipren na em i tok dispela nius em i tru. Taim em i toktok, em i lukluk stret long ai bilong mi na em i tok mi olsem mi namba wan lewa bilong em stret na oltaim bai mi stap olsem gel bilong em.

Long mi tu, em i namba wan boipren mi gat na em tu i bin katim lewa bilong mi. Na mitupela i bin promis olsem bai mitupela i marit taim mipela i pinisim skul. Kasen bilong mi i tokim mi long lusim boipren ya, tasol mi painim hat long lusim tingting long em, maski em bin tok em bin raun wantaim kasen susa bilong mi.
Plis helpim mi.

Undecided Lover

Dia Pren

Tenkyu long serim wari bilong yu wantaim mipela. Mipela i sori long ritim stori bilong yu na mipela i luksave long no amamas bilong yu wantaim longpela taim boipren bilong yu.

Pren, mipela i save kisim ol wankain pas long planti meri wantaim dispela kain wari. Mipela i luksave olsem bikos yutupela i poroman longpela taim, em i no isi long luksave olsem em i wok long lukim narapela meri. Na i no narapela



meri tasol kasen susa bilong yu.

Yu wok long painim hat long lusim em bikos olsem yu tok, em i namba wan boipren bilong yu. Na yutupela i bin tok promis long marit bihain long yutupela i pinisim skul. Yu pilim olsem wanem nau long dispela promis bihain long man i wokim bikheth pasin long yu. Hau bai yu save olsem em bai em ino inap mekim obikheth pasin gen? Lukim yu long ai na tokim yu olsem yu namba wan lewai mas noken mekim yu bilip olsem em i gat bikipela laik na long wankain taim, em i no stretim asua bilong em. Bai yu trastim em yet gen?

Yu tok tu olsem em i namba wan boipren yu laikim tumas na em i namba wan lewa bilong yu. Yu ting em i wokim trupela toktok taim em i tok em i gat laik long yu tasol lukim narapela husat i kasen bilong yu?

Pren, yu klia long wanem em trupela lav o laik pasin? Lav em maski wanem samting, yu mas pas wantaim na mekim gut long narapela husat yu pren wantaim. Lav i min olsem yu no tingim yu yet bikos yu tingim patna bilong yu moa yet long yu yet. Hia em tupela wod yu mas sekim na save long mining bilong ol. Em long "Lust" na "Infatuation".

Ol papamama bilong yu i olsem wanem, ol i tok orait long yu i gat boipren? Mipela i laikim yu mas tingt-

ing strong long skul bilong yu. Ating dispela i kamap long mekim yu tingting long prensip bilong yu wantaim manki ya. I moabeta yu lusim em na yu wok strong long stadi bilong yu. Sapos em i laikim yu tru, em i ken helpim yu wet inap yu pinisim skul, painim wok na bihain long dispela, plenim marit bilong yutupela.

Yu luksave olsem taim yu gat boipren yu givim yu yet moa wok antap long ol stadi bilong yu? Ol taim we yu inap long yusim long mekim stadi bilong yu gut em yu yusim long tingim na mekim ol samting i sut long boipren bilong yu. Tru tru, yu nogat wanpela samting i pasim yu wantaim dispela manki, tasol bikos yupela i bin mekim promis, yu wok long yusim taim na spes bilong yu long tingim em.

Mipela i strongim yu long serim ol wari yu gat wantaim ol narapela gutpela pren o papamama na ol i ken helpim yu. Sapos yu memba bilong wanpela sios o lotu, i moabeta yu go lukim Pasto long givim yu sampela gutpela statok.

Mi Pren bilong yu
Laiplain

Sapos yu gat wari o hevi, rait i kam long dispela etres: **Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu. Laiplain**

Komyuniti helpim skul bilong ol

Nicky Bernard i raitim

PLANTI papamama na komyuniti save putim was long gavman long mekim ol samting bilong ol, na ol yet bai wet inap dispela ol samting kam long komyuniti bilong ol.

Wanpela liklik Kristen Skul long Kudjip bin kirap long 2000. Dispela skul i groa go bikipela olgeta yia long bihain long ol i kirapim.

Kudjip i stap insait long nupela provins nau Jiwaka. Long taim skul i kirap ol i stap aninit long Westen Hailans Provins. Dispela taim ol no makim boda yet bilong dispela tupela provins.

Long yia go pinis 2012, tupela bikipela klasrum bilong ol bin paia long wanpela apinun taim olgeta sumatin go pinis long haus. Laki tru na ol narapela klasrum bin stap long we liklik, olsem na paia i no bin kisim olgeta. Ol dispela klasrum em ol bus samting tasol ol mekim long em.

Planti papamama bilong ol sumatin long dispela Kristen skul bin wari tru long ol pikinini bilong ol, na ples ol bai skul long en.

Siaman bilong skul na wanpela pasto tu wantaim ol komiti bilong em na sampela ol narapela pasta olsem Pasta Peter Yakos, Pasta Issac, Pasta Lukas Mal na ol sampela komyuniti lida bin sindaun na pasim tok olsem ol bai laikim helpim long gavman long kirapim o mekim nupela klasrum bilong ol gen.

Ol raitim ol pas na go givim ol gavman lain long harim krai bilong ol. Dispela wokabaut na tingting bilong ol i no kamap tu.

Dispela hevi bin stap long lewa bilong ol dispela pasta na lida man bilong ples, olgeta hap ol wokabaut na lusim pepa na askim long helpim em wankain ansa ol i kisim.

Long wanpela de siaman bilong ol na wanwok pasta bilong em i mekim liklik lotu na tupela go long opis bilong wanpela niuspepa long Hagen taun. Tupela stori gut long wari bilong tupela, na dispela niuspepa i putim stori bilong dispela skul kam aut long pablik long lukim.

Dispela stori bilong dispela Kristen skul i pulim ai na tingting bilong Sif Eksektiv Opisa bilong PNG Sustainable Development Program (PNGSDP) David Sode, we em kisim tingting long helpim ol.

Dispela tingting bilong Masta Sode, em no tokaut long ol komyuniti bilong Kudjip. Em hatim tasol na salim wokman bilong em go na painim aut wanem kain samting bai ol helpim long stretim dispela Kristen skul gen.

Projek Menesa bilong PNGSDP long Hailans i raun i go na lukim olsem dispela projek bai kos bilong em bai mani mak long K400, 000 na moa.

David i tokim wokman bilong em olsem, PNGSDP ken helpim long K50,000 tasol na i no moa, dispela i mekim ol Kudjip komyuniti i amamas tru long helpim bilong PNGSDP.

Ol komyuniti tok projek menesa olsem PNGSDP ken baim kap, pos na helpim ol long baim petrol bilong wokabaut somil we ol bai katim timba ol yet, na dispela wok ol mekim tu bai nogat leba kos bilong em.

Dispela toktok na tingting bi-



Sif Eksektiv Opisa bilong PNG Sastenabol Developmen Program David Sode na Gavana bilong Jiwaka Dokta William Tongamp i putim han wantaim long opim 4-pela nupela klasrum long Kudjip long Jiwaka.

long ol i mekim David long helpim ol liklik gen na givim ol tupela wara tenk, wanpela bilong ol komyuniti na wanpela bilong ol sumatin long dring fres wara bilong ren long wanem kap bilong klasrum em gutpela tru long kisim ren wara.

Taim olgeta samting i redi, dispela tupela klasrum i kamap hariap tru long wanem ol komyuniti bilong Kudjip na ol ples klostu we pikinini bilong ol save go long skul Kudjip Kristen Intagret Skul, i putim han wantaim na kamapim hariap.

Dispela tupela nupela klasrum, PNGSDP i fandim long K62,000 tasol we inap long mani i abrusim K400,000.

Opim bilong dispela skul, ol lida na pasta i givim bikipela tok tenkyu i go long David na PNGSDP na ol pipel bilong Westen Provins long tingim ol long dispela hevi na wari bilong ol.

Masta Sode i tok, PNG Sastenabol Developmen Program i gat hap mani bilong helpim ol projek olsem long ol narapela provins we ol pipel bilong Westen Provins i tok orait long en.

PNGSDP i helpim planti ol projek olsem dispela tupela nupela dabol klasrum bilong ol Kudjip long Saut Wagi LLG insait long Jiwaka Provins. Ol narapela provins tu i gat liklik han mak bilong PNGSDP i stap long en.

Wanpela bilong tupela wara tenk i go wantaim klasrum.



Wanpela bilong ol klasrum we paia i no kukim.



Tupela nupela haus i holim 4-pela klasrum we PNGSDP i fandim.



MRDC givim tingting long Ramu

Projek LOA

PASIN long bihainim stret ol lo bilong Gavman long givim ol ripot I go long Rejistra bilong ol asosesin o kampani em wanpela hevi ol lenona asosesin I save bungim long planti ples insait long kantri.

Planti taim ol LOA I no save tumas long raitim gut ol ripot I bihainim stret rot long givim ol anuel ritens I go long rejistra.

Taim dispela I kamap ol siaman bilong ol LOA I mas sanap strong na mekim strongpela disisen we ol eksekutiv bilong em I mas bihainim long mekim samting stret.

Dispela em strongpela toktok Menesa bilong Klait Sevises na Edministresen wantaim Mineral Risos Developmen Kampani, Imbi Tangune I bin mekim long Tunde long Madang.

Mista Tanguna I bin go wantaim wanpela Stet tim long lukim indaksen trening bilong ol lain LOA eksekutiv bilong Ramu Projek.

OI LOA eksekutiv bilong Ramu

Projek i bin stap insait long wanpela gutpela indaksen trening long Madang we givim tingting na save long ol long wanem ol wok ol i mas mekim taim ol i holim posisen bilong ol.

OI LOA insait long Ramu Projek em Kurumbukari LOA, Inlen Paipain LOA, Kostal Paipain LOA na Basamuk LOA.

Dispela trening em Mineral Risoses Atoriti (MRA) i redim na i kamap bihain long ileksen bilong ol nupela LOA eksekutiv i no long taim i go pinis. Lain husat i go pas long ronim dispela trening bilong ol LOA eksekutiv em Madang Divisen bilong Komes, na treina em Martin Ali, wanpela olupela distrik edministreta na gutpela fasilita bilong trening.

Planti ol gutpela toktok i bin kamap long sait long indaksen na tu rot long givim ol annual ritens o ripot i go long Rejistra ov Kampani. Miting i tokaut olsem pablik ofisa ol LOA i makim i mas givim ripot



Menesa bilong Klait Sevises na Edministresen wantaim Mineral Risos Developmen Kampani, Imbi Tangune i bin mekim.


bihain long 14 de miting bilong AGM i go long Rejistra. Dispela em bikipela samting tru aninit long Lo.

Sampela ol eksekutiv bilong ol LOA i sutim tok i go long Madang Provinsal Gavman na Mains Ofis bilong en husat i slek tru long givim

helpim i go long ol LOA wantaim mani sapot long ronim ol miting bilong ol. Aninit long MOA i stap Madang Provinsal Gavman i mas mekim dispela, tasol em i slek o ating em i no save long wok bilong en.

Mista Oiee bilong MRA i givim

strongpela toktok olsem pawa i stat long ol risos onas o papa bilong ol risoses long ples na haus-lain olsem na ol LOA eksekutiv i mas toktok oltaim na bungim ol papagraun na miting na kisim tingting bilong ol pastaim long ol mekim ol bikipela disisen.



enjoy
fastest internet speed
in PNG only with Telikom

Choose fixed and Mobile Broadband
3G & 4G internet products.

[ADSL, Wimax, Internet Dongle & Smart Phones]

Join Telikom internet and experience the difference now!

Visit your nearest Telikom Shop today.



Kas mas tok tru na klinim Madang – komyuniti lida

TOKTOK bilong nupela gavana bilong Madang, Jim Kas long klinim Madang i mas kamap tru na noken politik tok tok tasol o mauswara.

Wanpela komyuniti lida bilong Not Ambenob LLG insait long Madang provins, John Ban i mekim dispela toktok na i givim bikipela salens long Mista Kas long mekim samting stret.

Em i tok Madang nau i go long han bilong ol 'kam-man' pinis bikos planti ol graun em ol asples yet long hap bilong Nagada, Bilial, Gum na Yabob na tu long not kos em ol pipel bilong Madang i salim i go long ol outsait lain.

"Ating ol pipel bilong Madang i mas faul o. Bilong wanem as tru na ol i givim nating

Em i askim Mista Kas long putim kamap wanpela wok painimaut i go insait long pasin bilong salim graun nating nating long ol outsait lain.

Mista Ban i tok Mista Kas mas wok klostu wantaim Evanjelikol Luteran Sios bilong PNG (ELC-PNG) long painimaut olsem wanem tru na ol plentesen long Nagada we misin i save ronim pastaim em nau kain kain outsait lain i go sindaun long hap na wokim haus.

"Olsem het bilong provins, moa-beta gavana Kas i mas wok go sin-

daun toktok wantaim Luteran misin na painimaut gut olsem wanem tru na graun bilong misin nau em planti outsait lain i go wokim haus na sindaun long en long Nagada," Mista Ban i tok

Moa long en, em i askim tu Mista Kas i mas lukluk gen na kamapim eviksen o rausim ol setelmen husat long Madang olsem Gav-Stoa, Sisiak, Bilial mausrot, Wagol na Pablik Tenk. OI dispela ples i wok long kamapim planti trabel na hevi na bagarapim tru lo na oda long Madang taun.

Mista Ban i tok nupela MP bilong Madang, Nixon Duban i mas lukluk tu long developmen bilong Madang na kamapim wantaim gutpela plen long stretim taun. Wanpela long en em long rausim ol setelmen, we i wok long stopim gro bilong Madang taun.

"Dispela ol setelmen long Madang olsem Sisiak, Wagol na Bilial mausrot na Pablik Tenk i stop stret gro bilong taun na tu em ples we ol bikhet man i save stap na kamapim trabel," em i tok.

Mista Ban i askim Mista Duban na Mista Kas na tu ol LLG kaunsilas long Madang long wok bung wantaim long klinim Madang na mekim em i kamap olsem naispela taun long kantri.



MRDC HELPIM DWU: Imbi Tagune i presenim sekmani long ol sumatin long Divain Wod Yunivesiti. **Poto:** Mathew Yakai

MRDC Givim K10,000 Long DWU

Mathew Yakai i raitim

MINERAL Risos Developmen Kampani (MRDC) i givim wanpela sekmani mak long K10,000 i go long ol Di-wain Wod Yunivesiti (DWU)sumatin insait long

Madang aste. Imbi Tagune, klain na ed-ministresen menesa bilong MRDC i makim maus bilong MRDC na mekim dispela presentesin long aste Trinde Feb 27, bihain long ol sumatin bilong Bisnis Edministresin i bin raitim wanpela pas na askim long helpim bilong wanpela

etiks konpres we bai i kamap long yunivesiti. Taim em givim sekmani, Mista Tagune i tok MRDC i amamas long helpim i no bikos MRDC i gat planti mani, tasol kain donesin bai helpim ol sumatin long skul wok bilong ol i kamap strong. "Mipela laik lukim planti

sumatin olsem yu i greduet na go aut wok wantaim gutpela ethic or stretpela pasin na bai helpim kantri tu," Mista Tagune i toktok. Em i salensim ol sumatin tu long stadi hat na kamap gutpela sumatin na sitisen insait long kantri. "I no bisnis insait long kantri

tasol olgeta ogenaísesen i nidim ol wokman na meri wantaim gutpela ethics o pasin. Yupela mas wok hat long dispela," Mista Tagune i salensim ol sumatin na i tok. Mista Tagune i tok MRDC em wanpela ogenaísesen we i save lukautim mani bilong ol papagraun bilong ol main na

petroleum na i save helpim na luksave long ol kain liklik helpim bai i kamapim gutpela sindaun na helpim kantri. Ol sumatin na tisa long Divain Wod Yunivesiti i hama-mas na tok bikpela tenkyu long MRDC long dispela donesin na luksave bilong en.

PM opim BSP rurel benk long Yangoru

PRAIM Minista Peter O'Neill long dispela wik i bin opim wanpela nupela BSP benking sevis bilding na wanpela kot haus long Yangoru, Is Sepik Provins. Em katim riben long taim bilong seremoni bilong nupela benk na kot haus wantaim lokol memba na Minista bilong Komes, Tred na Indastri, Richard Maru. "Dispela em i wanpela skul bilong strongim pablik praivet patnasip olsem tasol mi laikim yupela long amamas na lukautim gut dispela ol sevis," Mista O'Neill i tokim ol manmeri long Yangoru.

Em i tok olsem,ol dispela sevis bai bringim gutpela samting long 48,000 manmeri bilong Yangoru-Saussia. Mista O'Neill i tok tu olsem, "yupela bai i no inap long go long wei long yusim benk o kot long wanem ol dispela sevis i stap klostu pinis long yupela." "Tasol, sapos yupela i no lukautim gut dispela impoten sevis, ol bai bagarap na nogat sevis bai stap na helpim yupela," Mista O'Neill i tok. Em tu i bin go pas long wanpela seremoni bilong sanapim nupela Polis Bareks ol i kolim Numburuon Mobail Skwat Bes.

PM tok nogat dil yet long Bemobail

PRAIM Minista Peter O'Neill i tokaut olsem Vodafone na Bemobai i no nap yet long wok wantaim long wanem i nogat dil o tok orait i kam long kabinet. Praim minista i tok long wanpela ripot long midia long dispela mun olsem nesenel gavman i mekim dil wantaim Vodafon em i no tru. "Ol kabinet i givim wanpela 'in principle' tok orait long toktok bai mekim wok painim aut long Bemobail menesmen na seholda, in-dipenden Pablik Bisnis Koporesen wantaim Vodafon Fiji na ol ona bi-

long em. "Ol dispela toktok i no stret yet. Menesmen wantaim bod bilong Bemobail i no givim wanpela dil o tok orait i go long kabinet." Gavman i tok klia olsem Bemobail i wanpela bikpela samting long ol pipol bilong em na bai yu larim kampani long ap-gredim ol fasiliti na infrastraksa na em i ken bringim gutpela sevis i go long pipel. "Taim kabinet i tok orait long finel dil wantaim vodafon, orait gavman bai holim bek ol se holda bilong em long Bemobail," Mista O'Neill i tok.



Wantok

NIUSPEPA BILONG YUMI OL PNG STRET!

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the **WANTOK** to you each week. We publish the **WANTOK** 52 times a year.

AIRMAIL SUBSCRIPTION RATES (includes postage & handling)
 PNG K220.00, Australia/New Zealand US\$110.00, Asia/Pacific US\$150.00
 Rest of the World US\$210.00

NCD HOME DELIVERY
 K0.80t per copy or K65.00 Home Delivery & K52.00 Office pickup subscriptions per copy each issue annually.

Please send me.....copy/copies of WANTOK for one year.

I enclose Kina/USD..... as full payment.

Name.....
 Postal Address.....
 City.....
 State/Province.....(abbreviation)
 Country..... Zip/Postal Code.....
 Street Address.....
 Telephone.....Fax.....
 Email.....
 Signed.....Date.....

Address: Subscriptions
 Word Publishing Company Ltd
 PO BOX 1982
 Boroko, NCD 111
 Papua New Guinea

Attn: **Luke MEK** (Circulation & Distribution)



Ramu Projek LOA eksekutiv kisim gutpela indaksen trening

BIKPELA samting ol eksekutiv bilong ol lenona asosen (LOA) mas tingim oltaim em olsem ol mas mekim gutpela disisen oltaim long amamasim ol papagraun husat em ol kliklik manmeri i stap long ples na hauslain.

Dispela em strongpela toktok tru we i bin kamap inait long LOA eksekutiv indaksen trening bilong ol Ramu Nikel Projek we i bin kamap dispela wik long Madang.

Ol LOA eksekutiv bilong Ramu Projek i bin stap insait long wanpela gutpela indaksen trening long Madang we givim tingting na save long ol long wanem ol wok ol i mas mekim taim ol i holim posisen bilong ol.

Ol LOA insait long Ramu Projek em Kurumbukari LOA, Inlen Paipain LOA, Kostal Paipain LOA na Basamuk LOA.

Dispela trening em Mineral Risoses Atoriti (MRA) i redim na i kamap bihain long ileksen bilong ol nupela LOA eksekutiv i no long taim i go pinis. Lain husat i go pas long ronim dispela trening bilong ol LOA eksekutiv em Madang Divisen bilong Komes, na treina em Martin Ali, wanpela olupela distrik edministreta na gutpela fasiliteta bilong trening.

Ramu Projek Kodineta, Carter Oiee bilong Mineral Risoses Atoriti i go pas long redim dispela indaksen wantaim sapot bilong Madang Komes Ofis.

Ol nupela LOA Eksekuvi em sampela em ol nupela na sampela em ol olupela lain i kisim bek posisen bilong ol bihain long ileksen em: Long KBK LOA em Siaman, Mathew Tigavu, deputi siaman em Diri Movikai, seketeri John Arua na tresera em Eddie Itarai.

Inlen Paipain LOA em siaman Peter Tai, deputi siaman em Sam Aimai, seketeri em Moses Ligai na tresera Mathew.

Kostal Paipain em siaman Steven Saud, deputi siaman Sauya Paraka, seketeri em Kissom Kud na tresera Jeffrey Gamrai. Basamuk LOA em siaman Lima Mullung, deputi siaman Woe Gori, seketeri Kuai Dup na tresera Chris Dauk.

Indaksen trening i bin stat long Mande we i lukim ol eksekutiv bilong ol LOA i harim skul toktok long sait long wanem wok na samting ol i mas mekim taim ol i holim posisen insait long eksekutiv bilong LOA.

Narapela eria ol i kisim trening em

proses o rot long makim o votim ol lain i go insait long eksekutiv.

Wanpela bikpela eria bilong indaksen trening i karamapim tu rot long bringim ol ripot bilong mani ol LOA i kisim i go long Gavman long olgeta wan wan yia o taim Gavman i makim long en.

Bikpela samting we i mas stap oltaim insait long dispela Annual Ritens ol LOA i givim long Rejistra em lis o nem bilong ol fainensal memba bilong LOA, mani ripot we ol i sekim gut pinis na i orait (audited stetmen), kopi bilong menesmen ripot na kopi bilong minit bilong annual jeneral miting we i kamap i no long taim i go pinis.

Dispela indaksen trening i lukim ol Stet tim husat i makim ol wan wan Dipatmen i givim toktok long wanem wok Dipatmen bilong ol i mekim na wanem rot ol i ken givim sapot i go long ol LOA.

Ol Stet tim husat i stap long dispela indaksen trening long Madang em MRA, MRDC, Dipatmen ov Mineral Polisi na Jio-Hasad Menesmen (DMPGM) na tu ol lain makim Madang Provinsal Edministresen.

Ramu NiCo, developa bilong dispela bikpela nikel-kolbalt Projek long Madang tu i bin gat ol ofisa bilong en i stap na lukluk.

Plantil ol gutpela toktok i bin kamap long sait long indaksen na tu rot long givim ol annual ritens o ripot i go long Rejistra ov Kampani. Miting i tokaut olsem pablik ofisa ol LOA i makim i mas givim ripot bihain long 14 de miting bilong AGM i go long Rejistra. Dispela em bikpela samting tru aninit long Lo.

Sampela ol eksekutiv bilong ol LOA i sutim tok i go long Madang Provinsal Gavman na Mains Ofis em i kamap we i slek tru long givim helpim i go long ol LOA wantaim mani sapot long ronim ol miting bilong ol. Aninit long MOA em i stap olsem Madang Provinsal Gavman i mas mekim dispela, tasol em i slek o ating em i no save long wok bilong en.

Mista Oiee bilong MRA i givim strongpela toktok olsem pawa i stap long ol risos onas o papa bilong ol risoses long ples na haus-lain olsem na ol LOA eksekutiv i mas toktok oltaim na bungim ol papagraun na miting na kisim tingting bilong ol pastaim long ol i mekim ol bikpela disisen.

Nupela siaman bilong KBK LOA, Mathew Tigavu i givim bikpela tok

tenkyu i go long MRA na Madang Divisen bilong Komes long ronim dispela indaksen trening.

Mista Tigavu i tok em i lainim planti nupela samting na em i bilip kain indaksen i ken givim ol LOA eksekutiv gutpela tingting long karimaut wok bilong ol long sevim ol pipel insait long projek impekt eria.

Ol eksekutiv bilong Basamuk LOA



Ol eksekutiv bilong Inlen Paipain LOA



Ol eksekutiv bilong KBK LOA



Ol eksekutiv bilong Kostal Paipain LOA. Deputi siaman Sauya Parara i no stap long foto.

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komyuniti'

Planim Badwut haibrit kakau - Atoi

Veronica Hatutasi i raitim

STRONGPELA toktok i go long ol fama na pipel long olgeta konstituensi bilong Not Bogenvil long wokim "Budwood Gaden" o badwut na planim "Budwood kakau".

Memba bilong Not Bogenvil, Louta Atoi i tok dispela kain kakai em i haibrit na em i save karim hariap tasol na em i laikim ol pipel long ilektoret bilong em long planim dispela kain kakau na ol i ken kisim mani long em hariap.

Em i tok agrikalsa em i stap namba tu long ol bikipela wok em i laik lukim i go het gut long Bogenvil na moa yet, long ilektoret bilong em.

Olsem na em i makim K2 milian bilong mekim ol wok long agrikalsa sekta long ilektoret bilong em.

Mista Atoi i tok ol i wokim wanpela modul plantesen long Baneo we ol i gat Badwut gaden long en.

Em i tok ol i planim 5-pela hekta badwut long Baneo wokim tu ol neseri we ol bai tilim ol kakau sidling o ol liklik kakau diwai i go long olgeta konstituen insait long Not Bogenvil ilektoret.

Mista Atoi i tok em i wok wantaim ol DPI long Buka long go hetim dispela projek.



KAKAU NESERI: Not Bogenvil memba, Louta Atoi i soim Taiwan tred Misin bosman, Daniel Hu long Batwut kakau neseri. *Poto: Taiwan Tred Misin*

Planti milian kina kopi bilong las sisen i bagarap

James Kila i raitim

PLANTI ol kopi we i ken bringim planti milien Kina nupela mani i kam insait long PNG, nau i stap bagarap long ol bus eria long Madang provins, na tu ol arapela bus ples long kantri bikos nogat rot long bringim kopi i go aut long maket na salim.

Dispela em bikipela tok-tok tru Provinsal Fama Trening na Ektensen Kopi Kodineta bilong Kopi Industri Koporesen long Madang, Philip Puke i mekim.

Mista Puke i mekim dispela toktok bihain long 25-pela beg kopi bilong Simbai eria em wanpela balus sata bilong Helt i bringim i go long Madang long stat bilong dispela mun.

Tasol bihain long ol wokman bilong em i kapsaitim ol bek kopi ya, ol i painimaut olsem ol kopi i drai olgeta, na bagarap bikos ol is tap longpela taim, na kwolati bilong kopi i go bagarap.

"Ol drai kopi i ken stap

olsem tripela mun, tasol nau yu mas salim, tasol dispela kopi mipela i kisim i kam long Kandum eria long Simbai, we i stap longpela taim tru na planti i go bagarap olgeta," Mista Puke i tok.

Mista Puke i tok dispela hevi bilong nogat gutpela rot long ol fama i bringim kopi bilong ol i go aut long salim em bikipela hevi tru long planti ples insait long ol rurel komyuniti insait long Madang provins, na tu ol eria long hap i stap long boda wantaim Morobe.

Em i tok turangu ol fama bilong Simbai, Aiome na Josephstaal long Midel Ramu distrik long Madang i save groim gutpela ogenik kopi, tasol bikipela hevi i stap long sait long rot long bringim kopi bilong ol i go aut long maket na salim.

Tru tumas, kopi em wanpela komoditi we maket i save stap oltaim oltaim, na prais bilong kopi tui save go antap na go daun, tasol bikipela hevi em rot long bringim kopi i go aut long maket, na salim.

Kopi em wanpela agrikalsa komoditi we i gat kontrol long wol prais, na kopi i ken helpim ekonomi bilong PNG, taim prais i go antap na dispela i save mekim Kina veliu bilong PNG i surik. Dispela em wanpelaw trupela tok, bikos, taim gutpela kopi prais ol liklik manmeri long ples na hauslain i save gat mani long poket bilong ol na ol i save mekim pawa bilong baim samting i bikipela tru.

Mista Puke i tok bikipela salens i stap nau long ol wanwan memba bilong palamen long ol distrik long nambis provins, we i gat kopi long groa long en long yusim gut Distrik Sapot Impruvmen Program (DSIP) mani bilong ol long wokim gutpela rot long helpim ol fama bilong ol long bringim ol agrikalsa produs olsem kopi i go aut long maket na salim.

"Kopi em wanpela komoditi we i save bringim nupela mani i kam insait long kantri, na dispela nupela mani i kam insait i ken helpim ekonomi bilong PNG," Mista Puke i tok.

Veronica Hatutasi i raitim

WANPELA pailot rais planim projek bai klostu kamap long Not Bogenvil wantaim helpim bilong gavman bilong Taiwan.

Not Bogenvil memba, Louta Atoi i tok ol bai sanapim projek long tupela eria long Not Bogenvil ilektoret na dispela em long Solos na Selau Suir konstituensi.

Bilong redi long dispela projek, ol i salim pinis tupela man long kisim skul long Lae, Morobe Provins, long operetim ol masin bilong planim na haves-tim rais taim em i redi. Tu, ol i lainim rot bilong planim rais faming teknoloji long en.

Mista Atoi i tok i gat plen long kisim projek i go long sentrel na saut Bogenvil sapos projek i ron gut.

Em i tok tupela man

we ol i salim i go long Lae i wok long kisim skul long rais projek long Lae we Taiwan Tred Misin i sapotim long en.

Mista Atoi i tok rais we ol lain long Not Bogenvil bai planim em i kwaliti rais.

Em i tok projek bai stat long mun i kam, tasol nau, ol pipel i wok long kliarim tupela hekta i stap long tupela eria long kirapim dispela rais pailot projek.

Em i tok ol bai planim rais long tupela wei. Namba wan em long "irigesen" rot na narapela em long "drai" rot.

Mista Atoi i tok rais we bai ol i kamapim long dispela projek em long kaikaim, na sapos ol i kamapim planti, ol pipel yet i ken salim long ol narapela pipel.

Wanpela long ol man i go kisim trening long Lae em i wok wantaim DPI na narapela em mekanik.

Mista Atoi i gat ol gutpela tingting na plen long ilektoret bilong em na Bogenvil i mas gat fud sekyuriti o inap kaikai long pipel i mas gat olgeta taim.

"Ol fama lon g ol wan wan konstituensi bilong mi mas gat ol namel long wan na tupela hekta gaden rais projek bilong ol.

"Long Solos na Selau, mi laikim bai ol i planim 5-pela hekta rais na storim olsem fud sekyuriti," Mista Atoi i tok.

Mista Atoi i tok ol bai yusim ol nupela masin na teknoloji long planim ol rais long em.

Sampela ol narapela kaikai projek we Atoi na ol Taiwan Tred Misin long PNG bai wok patna wantaim long kamapim em long yam, wata melon na pis projek.

"Mipela i mas go insait long join bisnis patnasip long bildim ol fektori long ailan na

ausait long kamapim developmen. Mipela wantaim ol Taiwan lain i gat plen pinis long dispela," Mista Atoi i tok.

Em i tok long ilektoret bilong em, em i gat 14-pela konstituensi, na wan wan long ol bai gat projek long ol narakain samting olsem kakau, rais, yam, wata melon, pis, kakaruk, gout na pis projek.

"Mi laikim bai Bogenvil i kamapim kaikai long lukautim pipel bilong em long distrik na provinsel level.

"Ol pipel i noken resis, tasol ol i mas kamapim inap long wan wan kaikai na maketim.

"Long ikonmik sekta, mi laik developim ol koporetiv long helpim strongim ol fama i gat famas benk bilong ol na dispela bai helpim ol i sevim mani bilong ol," Mista Atoi i tok.

Resis bilong kalapim ston na maunten



YU bin save olsem i gat wangepa resis we ol man i save resis long kalapim ol bikpela ston long go antap long maunten?

Sapos nogat orait nau bai yu save.

Pasin bilong kalapim maunten na bikpela ston em i olsem hap laip bilong ol manmeri long taim bipo na tu long nau we i nogat gutpela rot na bris bilong bihainim.

Tasol i no olgeta manmeri save olsem i gat wangepa spot we ol i mekim long dispela kain laipstail bilong planti manmeri.

Nem bilong dispela spot em "Rock Climbing" (rok klaiming) o resis bilong kalapim bikpela ston.

I gat planti kain resis na han bilong dispela gem tasol long dispela wik bai yumi lukluk long hap han bilong en ol i kolim "Sport Climbing" (spot klaiming).

Spot klaiming em i wankain tasol olsem rok klaiming we ol pilaia i save traim long kalapim ol bikpela ston long sait bilong maunten wantaim rop long traim na i go antap long het bilong en.

Tasol long spot klaiming, ol i save nilim ol hap ain o anka i go insait long ston o sait bilong maunten we ol i save pasim rop long en na yusim long kalap i go antap.

Rok klaiming i nogat dispela, ol pilaia i save putim ain o taitim rop i go pas long ston taim ol i kalap i go na bihain rausim gen taim ol i abrusim pinis.

Histri bilong gem

Pasin bilong kalapim ston o maunten em i no nupela samting na i kamap long olgeta hap long wol.

Bipo yet ol manmeri bilong yumi long Papua Niugini na tu long arapela hap long wol i save kalapim ol maunten, bikpela ston, bik bus na wara.

Ol wok painim aut i soim sampela olpela piksa bilong ol man i kalapim ol ston long Saina 400 yia bipo long mama i karim Jisas Krai.

I gat mak tu long Amerika we long 1300's long sait bilong ol bikpela ston we i soim olsem ol asples long dispela taim i bin gat save long yusim ol samting long kalapim ol dispela bikpela ston.

Tasol astingting tru long mekim dispela i kamap long stat bilong 1800's taim planti moa manmeri wok long lukim dispela olsem wangepa samting bilong mekim taim ol i stap nating.

Ol i save kisim rop na ol arapela samting bilong kalapim ol ston long maunten sait na i save go traim save bilong ol long kalapim.

Ol i mekim dispela i go na nau em i kamap olsem wangepa spot we planti manmeri save laik long pilaim.

Stail bilong pilai

Gem bilong kalapim dispela ol bikpela ston long sait bilong ol maunten em i no isi nay u ken i dai long en tu.

Long dispela as, yu mas i gat olgeta samting bilong yusim insait long dispela gem.

Namba wan samting tru em rop.

Yu mas i gat ol liklik hama na pik bilong brukim sampela hap ston na graun bilong

holim na sanap long en tu.

Insait long spot klaiming tu i save gat ol hap ain o nil we ol i save sutim i go insait long ston we yu ken pasim rop long en.

Yu mas lainim na save gut tru long pasim rop long dispela ol samting.

Tingim tu ol karamap bilong skru bilong han na lek, het na tu gutpela su we i no hevi na we i ken pas gut long ston na i noken wel taim yu putim lek.

Long resis, ol i save lukluk long husat bai kamap antap long het bilong ston hariap tru na tu long rot bilong husat i hat tru tasol em i kalap na i kam antap.

Em i no wangepa bikpela spot we ol pilaia i save kisim biknem o bikpela luksave long en tasol em i skulim ol pilaia long painim rot long ples nogut na tu long ol kain kain stail bilong pasim rop strong tru na yusim long apim o daunim ol i go daun.

Planti taim ol i save pilaim dispela gem long amamas tasol taim ol i kamap long wangepa bung o kem.

Spot klaiming long PNG

Em bai no inap hat long traim dispela gem long PNG bilong wanem em i n o wangepa bikpela spot we i save gat ol bikpela kompetisen long en, na tu i gat planti bikpela maunten na ston i stap we ol manmeri ken traim save bilong ol long en.

Sampela samting yu mas tingim tasol em mani bilong baim ol samting bilong stap insait long dispela pilai na tu kisim gutpela trening na skul long ol save lain long en bipo long yu go na traim.



CLIFF SIDE: Tupela man i pas long sait bilong bikpela ston na traim long go antap long en.



MALOLO: Wangepa man i kamap long gutpela hap long sanap na i kisim win.



PAINIM ROT: Wangepa meri painim ples bilong holim na i go antap.



ROP: Sampela ol samting yu mas i gat taim yu laik kalapim bikpela ston olsem.



KARAMAP: Su na karamap bilong het we ol manmeri save werim taim ol i stap insait long spot klaiming.

NRL lonsim nupela TV ad

LONG grasruts, i go inap long ol NRL supasta, olgeta level bilong Ragbi Lig i stap insait long nupela NRL TV komesal we biknem musik meri, Jessica Mauboy, bai go pas long en.

Astingting bilong nupela TV advatismen, em bilong soim olsem dispela gem, ol i ken pilaim enitaim, na long olgeta kain ples.

Insait long dispela TV komesal, ol i soim ol kainkain manmeri i pilai ragbi lig long ol fil, ol pak, baksait long haus, long bus, na long nambis.

Het tok “Something’s got a hold on me”, em singa meri Jessica Mauboy i singim, na lukim kambek meri lid

singa bilong NRL bren – namba wan taim gen, bihain long Amerika singa Tina Turner i bin kirapim spot maketing long wol wantaim singsing ‘Simply the Best’.

“Ragbi Lig em i wanpela gem we i bringim pipel i kam bung wantaim, na nupela komesal bilong mipela em i soim bikipela luksave, dispela spot i gat long ol komyuniti bilong yumi,” Jen-eral Menesa bilong Maketing na Komesal, Paul Kind i tok.

“Mipela i amamas tru long kisim Jessica olsem am-baseda bilong mipela. Em i gutpela tru bikos em i wanpela namba wan musik meri long kantri nau, na em bai

makim gut gem.

“Jessica em i wanpela Ragbi Lig fen tu, na mipela i bilip ol fen bai inap long bihainim gut dispela kempen.”

Mauboy em i wanpela Australia atis i winim planti awod pinis, na em i tok dispela em i wanpela bikipela wok bilong em nau.

“Ragbi lig i stap long blut. Papa bilong mi em i bikipela fen tru, na mipela ol pikinini mipela i bihainim em tasol,” Mauboy i tok.

“Long bihainim lekma bi-long ol biknem singa lain olsem Tina Turner na Jon Bon Jovi, em bikipela samt-ing. Mi bai traim mekim inap long strongim gem bilong kantri.



MAUBOY: Singa meri Jessica Mauboy bai go pas long nupela bikipela maketing kempen bilong promotim ragbi lig na NRL.

Storm redi long strongpela NRL sisen



SMITH: Mipela redi long strongpela stat.

MELBOURNE Storm i wetim tasol salens bilong bikipela kikop taim ol arapela tim bai traim rausim taitol long ol.

Nau tasol ol i kam bek long winim Wol Klab Salens kempen long Inglan, we i paulim pri-sisen trening bi-long ol. Ol i mas redim ol yet long pilaim nambawan tripela gem insait long 12-pela de tasol.

Bihain long ol opim ol gem bilong ol agnesim St George Illawarra long Sande, Mas 10, ol bai go daun long Townsville long pilai agensim ol Cowboys, siksipela de bihain, na bihain ol i gat faivpela de tasol, na ol bai bungim Canterbury Bulldogs.

“Mipela i redi,” pilaia kosa Cameron Smith i tok long Trinde, “Mipela skin kirap long dispela salens”.

Storm i reausim WCC taitol taim ol i daunim ol Super League sempion, Leeds 18-14 las wiken, na maski Smith i tok em i amas long dispela win, em i no namba wan we bilong redim ol yet bilong NRL sisen.

“Dispela i brukim trening taim bilong mipela long go olgeta long Inglan pastaim long yu statim gut sisen,” Smith i tok. “Em i katim sotim pri-sisen bilong yu, na yu yet bai laik pilai agensim sampela long ol NRL said, pastaim long yu go insait long kompetisen stret.

Stuart i save olsem Eels gat bikipela salens

NUPELA kosa bilong Parramatta Eels i stap nau long sti-aim klab i go bek long wanpela primiasip, bihain long 27 yia.

Taim bipo Australia na NSW Orijin kosa Stuart i tok dispela wok bai namba wan bikipela wok long laip bilong en, em i no tok pilai.

Taim bilong Stephen Kearney olsem kosa bilong Eels, bai planti no inap tingim tumas, bikos tim i pinis las long namba wan taim long 37 yia, bihain long ol i abrusim wuden spun long fainal raun bilong 2011.

Em bai isi long sutim tok long Kearney, tasol dispela man husat i bin lidim Kiwis i go long Wol Kap long 2008, na nem em i gat long gem, em inap long Brisbane Broncos i makim em olsem namba tu kosa bilong Anthony Griffin.

Man i senisim Daniel Anderson, long kisim klab i go long gren fainal long 2009, em ol i sekim em wanpela yia

bihain long em i no kisim tim i go long fainols.

Tasol salens bilong Eels, em i no long kosa tasol.

Planti long ol fens i belhat na stap bikos ol yangpela bi-long Parramatta, olsem Tony Williams, Krisnan Inu, Jorge Taufua, na Kris Keating i wok long mekim nem long ol arapela klab.

Taim Sif Eksektiv Paul Osborne i lusim wok pastaim long las sisen i op, Parramatta Leagues Club Sif, Bob Bently i bin kamap ekting CEO na karim hevi bilong mekim tupela wok.

Em nau, olgeta samting i pundaun, na disisen bilong klab long mekim Kearney i lukluk long wok bilong lig klab, na skwat bilong em i sanap nating tasol, na traim strongim tim yuniti ol yet.

Makim bilong Stuart, i kam wantaim bikipela bilip olsem em bai strongim bek nem na bilip bilong tim, pastaim long em i bildim ol gen.



STUART: Eels bai bikipela hatwok.

Greenberg wanbel long eksen agensim Barba

SIF Eksektiv bilong Canterbury Bulldogs, Todd Greenberg, i tok nius long ol hevi bilong Ben Barba bai no inap bagarapim gutpela wokbung wantaim ol sponsa bilong tim.

Bulldogs i rausim Barba long pilai, bihain long em i tokaut long Greenberg na kosa Des Hasler long Sande dispela wik, olsem em i wok long bungim hevi wantaim sampela samting ausait long fil, long laip bi-long em yet.

Tasol Greenberg i tok olsem ol sponsa bai no inap long lusim klab long Barba tasol.

“Dispela em i no hevi bi-long klab,” Greenberg i tok olsem pastaim long klab i opim sisen bilong ol long Tunde nait.

“Mipela i gat wanpela pilaia bilong mipela i wok long bungim hevi, na mipela i stap long sapatim em. Mi nogat wari long dispela.”

Hevi bilong Barba, em long sait bilong pinis bi-long marit bilong em na rot long em i lukim tupela yangpela pikinini bilong en.

Barba i bin winim Dally M Medal las yia, na i bin wanpela long ol man i karim Bulldogs i go long gren fainal.

Nau bai klab i opim 2013 kempen bilong en agensim North Queensland Cowboys, long Sarere, na Barba bai no inap stap.

Ol i bilip Barba bai no inap pilai inap tupela mun samting.




BARBA: Bai no inap pilai inap tupela mun samting.



Traim tasol: Yangpela meri bilong Boroko Motors i traim long rausim bal long han bilong mama bilong Fairdeal long divisen wan long praivet kampani netbol.

OI Spot Eksen poto long wiken...

OI Poto Nicky Bernard.



Bikpela fowod bilong Pom Diwai i pasim bal taim ol boi sentrel i takolim em long Pot Mosbi ragbi 9s long wiken.



Tim Rabaul Guria go guriam Australia long stretim ol bipo long Digicel kap resis kamap.



Andrew Molen bilong Pom Diwai i traim long takolim Sentrel pilai wantaim bal.



OI Yet: Wes na Kone i traim Pot Mosbi 9s ragbi, Wes i strong na daunim wantok bilong Kone Storms.

- Weekend Sports Draws -

Round 4 Draw: Telikom - NSL

Round 5

3/02/2013	1:00PM	Hekari Utd FC	Vs	Eastern Stars FC	SIG	POM
3/02/2013	1:00PM	Welgris FC	Vs	FC POM	IKS	LAE
3/02/2013	3:00PM	Gigira Laitepo Morobe FC	Vs	Besta PNG Utd FC	IKS	LAE
3/02/2013	3:00PM	NC Civil Oro FC	Vs	WNB Tavor FC	SIG	POM

Updated as of Rd 4										
Teams	Played	Won	Lost	Draw	For	Against	Goal Diff	Points	Place	
Hekari United FC	4	4	0	0	13	0	13	12	1	
Besta PNG Utd FC	4	3	1	0	10	3	7	10	2	
Eastern Stars FC	4	3	1	0	7	3	4	9	3	
FC POM	4	3	1	0	8	3	5	9	4	
Gigira Laitepo Morobe FC	3	3	0	0	4	6	-2	6	5	
NC Civil Oro FC	4	3	1	0	3	10	-7	6	6	
Welgris FC	4	1	3	0	4	11	-7	3	7	
WNB Tavor FC	1	0	1	0	2	7	-5	0	8	

Normal Season

Results for Round 4

FC POM 1 Drew Besta PNG Utd FC 1 Hekari United FC 4 Def NC Civil Oro FC 0
Welgris FC 2 Def WNB Tavor FC 0 Gigira Laitepo Morobe FC 1 Drew Eastern Stars FC 1

Thursday - 21/02/2013

Midweek game - Besta PNG Utd FC 4 Def WNB Tavor FC 1

* Wednesday 27/02/2013 - WNB Tavor FC Vs Gigira Laitepo Morobe FC - IKS Lae

PMWSA INC DRAW

Saturday, 2 March 2013

THAMESIDE ONE

TIME	TEAMS	TEAMS	GRADE	REMARKS
9.00	Stingers Wolves	v Admiralty Sisters	S/16	POMWSA - R2G3
10.30	Gazelle	v Admiralty	B	POMWSA - R2G4
12.00	Wolves	v Wantoks	B	POMWSA - R2G4
13.30	Wolves	v Gazelle	A	POMWSA - R2G4
15.00	Admiralty	v Wantoks	A	POMWSA - R2G4

THAMESIDE TWO

TIME	TEAMS	TEAMS	GRADE	GRADE
9.00	United Brothers	v Kopene	B	POMSL - R2G10
10.30	Bears	v Stingers	B	POMSL - R2G10
12.00	PNG Power	v Brown Eagles	B	POMSL - R2G10
13.30	Mentorings	v Lifters	B	POMSL - R2G10
15.00	Defence	v Wolves	B	POMSL - R2G10
BYE: LBC Gazelle (B-GRADE MEN'S)				

THAMESIDE THREE

TIME	TEAMS	TEAMS	GRADE	GRADE
9.00	Gazelle Wantoks	v Chebu Bears	S/16	POMWSA - R2G3
10.30	United Sisters	v Stingers	B	POMWSA - R2G4
12.00	Bears	v Chebu	B	POMWSA - R2G4
13.30	Chebu	v United Sisters	A	POMWSA - R2G4
15.00	Bears	v Stingers	A	POMWSA - R2G4



Jason Tassel (Blue), Shane Morris (second row), Mogan Buka (Red) na ol refri i bung long kisim poto bihain long Klinik skul.

PNGRL Faundesen Ronim Refri Klinik

Samuel Peter Koim i raitim

PLANTI taim insait long gem, bai yu lukim refri bai mekim narapela eksen na disisin bilong em bai go narapela. Wankain tu long ol teknikel opisa na lainsman.

Sampela taim bai yu lukim olsem ol i no save rulim gem gut o sampela samting save kamap long namel long gem na insait long fil, tasol refri no

save bisi tumas long stretim. Dispela save mekim na planti sapota i no save wanbel long ol refri. Tasol dispela em bisi samting bilong bipo nau.

Papua Niugini Ragbi Lig Faundesen i go pas nau long helpim na lainim ol refri, kosa, lainsman na teknikel opisa bilong ragbi lig wantaim ol nupela rul insait log ragbi spot. Long dispela wik, Shane Morris na Jason Tassel i bin go pas na statim dispela Klinik long Pot Mosbi Ragbi lig

graun wantaim ol refri long Mosbi.

Ol i bin kisim na skul long ol nupela eksens na lainim planti nupela samting i kam long PNGRL Faundesen.

Long dispela skul bilong ol, em bai helpim ol refri husat i skul long em long kisim luksave (Accreditation) olsem ol i bin lainim ol nupela rul na wei long kontrolim ragbi gem. "Mipela i stat wantaim dispela Klinik tasol planti ol gutpela skul olsem dispela bai kam bi-

hain" Divolpmen Manesa Shane Morris i tok.

Ol nupela rul na skul ol i kisim long em i kam long Australia na Wol Ragbi Lig standet.

"Em bai helpim mipela long luksave long planti nupela rul na long kontrolim gem gut" Moga Buka i tok. Mogan Buka i stap refri 12-pela yia olgeta na i tok em i amamas moa olsem dispela skul bai helpim em long strongim Level 1 save bilong em.

Wok redi bilong 2015 i stat nau

Andrew Molen i raitim

NAMBA wan wok bilong redim ol samting bilong 2015 Pasifik Gems i kamap pinis na ol arapela bai bihainim long ol wik i kam.

Long Tunde dispela wik, eking Praim Minista bilong Papua Niugini, Leo Dion i brukim olupela haus bilong trening na pilai long Taurama Lesa Senta (Taurama Leisure Centre) wantaim bako masin long makim kirap bilong nupela wok.

Ol bai mekim wanpela nupela akwatik senta (aquatic centre) o ples bilong ol swim resis long dispela hap.

"Gavman i amamas long ol lain husat i go pas long kisim dispela salens i kam long kantri bilong yumi long holim Pasifik Gems long hia.

"Gavman i makim tu sampela ol gutpela save manmeri long go pas long ol wok redi bilong kamapim na ronim dispela ol gem long hia," Mista Dion i tok.

"Ol manmeri bilong yumi tu i wet long lukim olsem ol samting i kamap gut na ol mani go stret long wok bilong kamapim ol gutpela samting bilong 2015 gems," em i tok.

President bilong Pasifik Gems Kaunsil (Pacific Games Council), Vidhya Lakhan, i tok 12-pela mun i go pinis ol i bin kam sekim ples tasol ol samting i no bin



redi na ol i wari liklik.

"Tasol nau mipela mi lukim olsem ol wok i kirap nau na ai bilong mipela i op tru olsem insait long dispela liklik taim, yu-pela i mekim ol samting hariap tru na em i gutpela long lukim ol mak bilong wok i kirap tru nau," em i tok.

"Mipela i luksave yet olsem planti taim we wok inap long kamap pinis, i bin lus nating tasol dispela ol wok we i wok long kamap nau i mekim mipela i bilip olsem PNG bai nap yet long kamapim wanpela nambawan Pasifik Gems tru long 2015," Lakhan i tok.

Spots Minista na Minista bilong 2015 Pasifik Gems, Justin Tkatchenko, i tok em i luksave long wari bilong Mista Lakhan na PGC na em i singaut long Gavman, ol sponsa, ol wok manmeri bilong gems na tu olgeta manmeri long wokbung wantaim long dispela taim.

"Nau em i taim bilong wok na putim olgeta samting yumi toktok long en i go daun long graun na mekim ol i kamap," em i tok.

"Presiden, mi laik tokim yu olsem, taim mi stap yet olsem Minista na wantaim sapot bi-

long Praim Minista na Gavman bilong mi, mipela bai kamapim wanpela nambawan Pasifik Gems tru insait long Pasifik," Mista Tkatchenko i tok.

Em i tok dispela lonsing long Taurama Lesa enta em i stat bilong planti moa arapela wok we bai kamap long dispela yia na ol mun i kam.

Long wik i kam bai ol i brukim graun long Yunivesiti bilong PNG (UPNG) long makim wok bilong kamapim nupela gems viles we ol tim bilong wanwan Pasifik kantri bai silip long en.



Spots developmen long distrik level

TAIM yu toktok long ol namba wan spot man na meri long PNG, em yu toktok long ol lain i hait i stap long ol ruel eria bilong ol provins bilong yumi.

Dispela em i tok tru, bikos long ol top spotmanmeri yumi gat nau long kantri. Mi no nid long givim nem bilong ol.

Tasol yu yet yu mas askim, ol i kam long we? Olsem wanem na ol i kirapim spots laip bilong ol? Em nau bai yu painim olsem ol i kam long ol ruel eria bilong kantri.

Mipela i gat sampela long ol namba wan spotmanmeri long ol busples bilong kantri. Ol distrik bilong yumi i gat bikpela strong long painim ol spotmanmeri.

Hevi wantaim spot nau long kantri, em yumi no pinisim gut wok bilong painim ol.

Olgeta spots ogenaiesen i mas inap long sanapim dispela koneksen wantaim ol distrik administresen long halivim painim ol dispela lain. Ol spots ogenaiesen i mas kisim ol distrik na wanpela patnasip wantaim ol distrik atoriti.

Wanpela long ol banis mi painim wantaim ol distrik, em planti i no save wok stret, we ol i nogat inap save wokmanmeri. Yu ken askim, sapos ol i gat ol savemanmeri i stap long distrik level.

Mi raun i go long olgeta hap kona bilong kantri, na olgeta distrik, na mi ken tokim yu stret. Tru tumas, i nogat wanpela save manmeri stap long developim na karimaut ol spots progrem long distrik level.

Olsem na ol dispela ol hidden talent i no save pulim ai.

Ol distrik i mas salim sampela ol gutpela spots administreta i go ovasis long kisim kwalifikesen we provins i nidim.

Maski em i kostim gavman mani long karimaut dispela wok, em i mas mekim.

Bikos long bihain taim, na long gutpela bilong spots developmen, bai yumi lukim kaikai bilong en.

Spots, em i no stap olsem wanpela bikpela luksave long taim bilong skelim mani na sapot i go long en long provinsal gavman.

Ol provinsal na distrik gavman i mas bilip long spots insait long ol distrik. Ol gutpela piksa yumi gat, em ol PNG Grasruts Gems we nau i wok kamap namba wan bikpela spot pilai long kantri tude.

Wantaim PNG Gems, yu ken tingim hamas kostim bilong provinsal tim long kamap long pilai. Mi ken givim yu sampela ol namba bilong 2012 PNG Gems long Kokopo.

Long olgeta wanwan provins i kamap long Gems, em i kosim ol klostu wan milian kina long kisim ol i go. Planti provins i kisim taim long painim mani, na sampela, wantaim halivim bilong ol bisnis, i painim em i isi moa.

Taim yu skelim dispela wantaim manimak bilong dispela wanpela Gems na mani yu gat bilong developim spots long ol provins, bai yu ai-op stret.

Olsem, na em i wok bilong ol atoriti long tingting gut na luksave long ol strongim ol distrik spots na developmen bilong en.

34- Tim bai pilaia long Nesinel Sempionsip

KAVIENG bai lukautim Nesinel Soffbol Sempionsip we bai kam long Ista wiken. Dispela sempionsip i pulim 34 tim long sampela senta insait long kantri.

Pot Mosbi, Lae, Kavieng na Buluminski bai mekim tupela tim bilong ol man na meri long pilai long dispela tonomen.

Ol narapela provins bai kisim wanwan tim bilong ol man na meri long go long Kavieng long resis long dispela sempionsip.

Sampela bikpela senta i tokaut pinis olsem ol bai

go resis long dispela sempionsip, ol provins olsem Pot Mosbi, Lae, Rabaul Rural, Kavieng, Buluminski, Bogenvil, Kokopo, Noten, Jiwaka, Ramu, Tabubil, Goroka, Mauten Hagen na Melpa.

Federesen presiden Chris Bais i singaut nau long ol senta long tokaut long amas pela tim bai ol kisim go pilai long dispela sempionsip na konfem wantaim vais presiden Ralph Tarasomo bipo long ol komiti bai sidaun na mekim dro bilong dispela sempionsip.



2015 Gems wok redi i go het

Minista bilong Spot na Pasifik Gems i soim dosa masin i brukim Tarama Lesa Senta long soim olsem dispela hap ol bai mekim nupela na bikpela long redi long Pasifik Gems long 2015. Poto Nicky Bernard.

Moa long Pes 27.

Spot laipstail
- Pes 24

Intanesenel Spot Nius
- Pes 25

Ol Spot Poto na Dro
- Pes 26

Spot Nius
- Pes 27

Johnston's Pharmacies

All Sports and First Aid requirements

For First Aid Kits, Remington Hair Clippers, Remington Hair Appliances, Varta Batteries

P.O. Box 1066 Boroko
Phone: 325 3185, Fax: 325 0190
Email: sales@johnstons.com.pg